



新刊監本冊府元龜卷第三百八十六

將帥部四十七

褒異第十二

梁趙雙唐僖宗時為陳州刺史賊巢驍將益楷擁徒入項縣雙引兵擊之賊衆大潰生擒益楷中和三年朝廷聞其功就加檢校兵部尚書俄轉右僕射不數月加司空進封潁川縣伯巢黨後與蔡州秦宗權合勢以攻宛丘雙乞師於大相大祖引大軍會於陳之西北陳人急攻巢寨重圍遂解獻捷於行在五年八月餘雙為蔡州節度使于時巢黨雖敗宗權益熾唯陳去蔡百餘里兵少力微日與爭鋒終不能屈文德元年蔡州平朝廷議勳以雙檢校司徒克泰寧軍節度使又改授浙江節度使兼領

二鎮昭宗龍紀元年三月又以平巢蔡功就加平章事克忠武軍節度使仍以陳州為理所

趙昶者犇之仲弟也昭宗時為忠武節度使亦以陳州為理所時秦宗權未滅昶每選精銳深入蔡賊雖衆終不能抗以至宗權敗烏朝廷賞勳加檢校司徒

趙珣者犇之季弟也犇為陳州刺史以珣為親從都知兵馬使時巢黨東出商鄧與蔡賊會衆至百餘萬攻陳陳人大懼珣與二兄堅心誓衆約以死節會大祖率大軍解其圍朝廷議功加檢校右僕射遙領處州刺史

羅紹武為魏博節度使唐昭宗天祐三年詔許本道立三代祖廟至大祖開平元年十月帝以紹威近年以來貢輸極頻且倍於諸道帝慮其殫於事力以及於民遂勞而止之日賜以南越所貢珍珠枕龍胸帶後紹威疾革遣使上章乞骸大祖撫按動容顧使者曰堅行語而主為我強飯如有不可諱當世世貴爾子孫以相報也仍命其子周翰監總軍府及訃至輟朝三日冊贈尚書令

羅周翰紹威子也紹威薨復為魏博節度使大祖乾化二年帝北巡至昌樂縣周翰來見於行宮宣至內殿對仍於御前賜食數劑乃退及辭歸鎮詔以良馬玉帶金銀器及香藥賜而遣之王罕之為河陽節度使唐昭宗乾寧二年李克用為邠州行營四面都統克用表罕之為副及誅王行瑜罕之以功授檢校大尉食邑千戶

田府元龜
馮行襲唐僖宗時為金州防禦使時興元楊守亮將襲京師道
出金商行襲逆擊大破之詔升金州為節鎮以戎昭軍為額即
以行襲為節度使

龐師古為大祖偏將援陳破蔡累有戰功遂用為都指揮使唐
昭宗乾寧四年正月復統諸軍伐鄆拔之擒其帥朱瑄以獻始
表為天平軍節度留後尋授徐州節度使檢校司徒

張存敬為諸軍都虞候唐昭宗大順二年佐霍存董大軍收宿
州以功奏加檢校兵部尚書大祖東征徐兗存敬屢有俘斬之
功凡授指顧皆與機會矢石所及必以身先大祖尤加優異為
行營都指揮使檢校右僕射天復元年春大祖以河中節度使
王珂與大原結親憑恃驕恣命存敬統大軍討之即日收絳州

生擒刺史陶建劉泊至晉州刺史張漢瑜未降二郡平進軍圖
河中王珂請降大祖嘉之乃以存敬權知護國軍留後未幾檢
校司空宋州刺史未之任卒於河中大祖痛惜開平初追贈太
保

葛從周唐僖宗時為大校從太祖破魏軍又并人圍張全義於
河陽從周赴援大破并軍解河陽之圍以功表授檢校工部尚
書從朱瑄討徐州拔豐縣敗時溥加檢校刑部尚書昭宗大順
二年八月與龐師古同攻兗州朱瑾乾寧二年十月擒其部將
孫漢筠累立戰功自懷州刺史歷曹宿二州刺史遷檢校右僕
射三年五月從周擊并師殺戮殆盡與龐師古渡河擊鄆四年
正月下之乘勝伐兗其將朱懷英以城未降以功授兗州留後

檢校司空光化元年四月又大破并師大軍以從周蕪領邢州
留後二年春幽州劉仁恭寇魏州從周擊走之授宣義軍司馬
三年八月從太祖破并人表授檢校大保兼徐州兩使留後尋
為兗州節度使天復元年青州劉鄩陷兗州太祖命討之十一
月鄩舉城降以功檢校大傅末帝即位制授潞州節度使令坐
食其俸加開府儀同三司檢校大帥兼侍中封陳留郡王累食
邑至七千戶命近臣旌節就別墅賜之貞明初卒於家冊贈太
尉

謝彥章事太祖為騎將末帝嗣位用為西京馬軍都軍使累與
晉軍接戰有功尋領河陽節度使

張歸霸自太祖鎮宣武補劇職僖宗光啟二年與蔡賊秦宗權
將張邳較勝為飛戈所中即拔馬却逸控弦一發賊洞頸而墮
遂兼騎而還太祖時於高丘下瞰備見其狀面加賞激厚以金
帛及以獲馬錫之又嘗被命發伏兵掩殺千餘人奪馬數十匹
尋奏授檢校左散騎常侍文德初與徐懷玉領兵大敗蔡賊大
祖召至賞之曰昔耿弇不俟光武急擊張步言不以賊遺君父
弇之功爾其二烏昭宗大順中與燕人戰於內黃殺劉仁恭兵
三萬餘衆戎績超特居衆將之右累官至檢校右僕射光化二
年權知邢州事明年春季嗣昭以蕃漢五萬來寇歸霸堅壁設
備晉軍不敢顧其城遂移攻洺州陷烏特大祖在滑頗慮邢之
失守及葛從周復洺水嗣昭壯道歸霸出兵襲之殺二萬餘衆
捷至賞賜殊等旋以功奏加檢校司空天祐初遷萊州刺史秩

田原元龜
滿授左衛上將軍又除曹州刺史其秋加檢校司徒副劉知俊
禦邠鳳之寇敗之大祖授禪拜右龍虎統軍改左騎衛上將軍
統河陽諸軍都指揮使明年夏六月就除河陽節度使檢校大
保尋加同平章事七月卒於位詔贈太尉

張歸厚歸霸之弟也大祖署為軍校唐僖宗光啟三年夏蔡將
張旺以數萬衆屯于赤坳歸厚嘗與旺單騎鬪于陣旺不能支
而奔司徒乘此大捷大祖大悅立署為騎軍長仍以鞍馬器幣
錫之昭宗龍紀初奏遷檢校工部尚書大順二年與葛從周禦
晉軍於漁水殊績尤著詔加檢校右僕射其後討滄州復沼州
咸以功聞大祖錄其勲命權知沼州事昭宗遷都洛陽除右神
武統軍天祐二年改左羽林統軍與徐懷玉同守澤州拒退并

軍乃還大祖受禪加檢校司徒開平二年夏劉知俊以同州叛
歸厚副楊師厚劉鄩等討平之秋還軍授亳州團練使乾化元
年拜鎮國軍節度使明年以疾卒詔贈大師

張歸弁為大祖牙校唐昭宗乾寧中以偏師佐葛從周禦并軍
于洹水光啟中又佐張存敬與燕人戰于內黃積前後功表授
檢校工部尚書大順初為齊州刺史明年春青寇大舉來伐時
州兵既寡罄發私帑賞給士伍青人遂遁青州平超加檢校右
僕射遙領愛州刺史從征荆襄迴轉檢校左僕射天祐三年春
大祖入魏誅牙軍歸弁攻討封境悉平而歸弁于高堂入賊太
猛飛矢中于臆大祖嘉之命錫銀鞍勒馬一匹金帶一條夏五
月命權知晉州冬十一月真拜晉州刺史加檢校司空大祖授

冊府元龜
禪改滑州長劍指揮使開平二年秋九月并軍圍平陽詔歸并
統兵救之軍至解其圍加檢校司徒

揚師厚為徐州節度使昭宗天祐元年加諸軍行營馬步都指
揮使二年八月大相討趙凝于襄陽命師厚統前軍一戰敗趙
凝翌日表師厚為山南東道節度使留後即令南討荊州留後趙
明亦并軍上峽不浹旬并下兩鎮乃正授襄州節度使開平元
年加檢校太保平章事又加檢校太傅三年三月詔朝詔兼路
州行營都招討使以奇兵進攻劉知俊于鳳翔降賊將王建制
加師厚檢校太尉

牛存節為大相過後都指揮使攻濮之役領軍先登遂拔其壘
唐昭宗景福二年四月下徐州梟時溥存節力戰其功居多乾

寧二年表授檢校工部尚書三年夏大相東討鄆州十二月存
節獨率伏軍奪其濠橋諸軍俱進四年正月陷其城尋與葛從
周降下兗州加檢校右僕射天祐元年授邢州團練使時州兵
纒及二百晉人知之以大軍來寇大相在鄆存節率健壯出鬪
并軍不能克而去大相召至勞慰久之厚資金帛鞍馬加檢校
司徒四年大相授禪除右千牛衛上將軍其秋攻潞州以存節
為行營馬步軍都排陣使開平二年二月自古監門衛上將軍
轉右龍虎統軍駐留洛下是歲王師敗于上黨晉人乘勝進迫
澤州之城將陷河南留守張全義召存節謀遂以本軍及右龍
武羽林等軍往應接上黨之師存節引衆御枚夜至澤州分布
守禦晉軍焚營而退郡以獲全大相屢嘆賞之五月遷左龍虎

冊府元龜
統軍統六軍馬步都指揮使十月授絳州刺史三年四月除鄜州留後六月劉知俊以同州叛尋授同州留後未幾加檢校太保同州節度使乾化二年加檢校太傅進封開國公三年加同平章事詔赴闕末帝召見慰勉賞賜甚厚十一月加開府儀同三司食邑一千戶授鄆州節度使四年加淮南西北面行營招討使控扼淮濱邊境安之其冬蔣殷劇徐州逆命奉詔與劉鄩同討之殷棄甲而遁平徐州詔加大尉

王檀自唐僖宗中和中平太祖鎮大梁檀為小將文德元年二月討羅弘信敗魏人於內黃檀獲其將同儒邵神劔以歸補衡山都虞候昭宗大順元年從龐師古渡淮深入討孫儒之亂奮命擊賊未幾遷順義都將天復中從太祖率西鎮之師圍鳳翔

迎昭宗屢立戎效遷左踏白指揮使從攻王師範于青山丘檀以偏師復密郡遂權知軍事充本州馬步軍都指揮使表授檢校右僕射守密州刺史郡接淮戎舊無壁壘乃築羅城居民賴之加檢校司空開平二年六月授邢州保義軍節度使檢校司徒三年加檢校大保充潞州東面行營招討使乾化元年正月王景仁與晉人戰于柏鄉王師敗績俄而晉軍大至重圍四合太祖憂之檀密上表請駕不征而悉力技梧竟全城壘三月以功就加檢校大傅同平章事七月加開府儀同三司檢校大尉琅邪郡王命宣徽使趙殷衡齎詔慰諭賜絹千匹銀千兩賞守禦邢州之功也庶人女珪僭位授鄧州宣化軍節度使檢校大尉兼侍中末帝即位移授許州節度加檢校大師五年蔡州刺

史王彥溫作亂檀受詔討平之加兼中書令

劉鄩以大祖開平元年授右衛上將軍充諸軍馬步都指揮使其年秋與諸將征潞州遷檢校司徒三年二月轉右衛上將軍依前諸軍馬步都虞候五月改左龍武統軍充侍衛親軍兼馬步軍都指揮使其年夏同州劉知俊反引岐人襲劇長安分扼汀潼大祖幸陝命鄩西討即奪取潼關擒知俊弟知浣以獻遂引兵收復長安知俊棄郡奔鳳翔大祖以鄩為佑國軍兩使留後尋改佑國軍為永平軍以鄩為節度使檢校司徒行大安尹金州管内觀察使是時西鄙未寧鄩練兵馬撫衆獨當一面四年加檢校大保同平章事庶人友珪篡位加檢校大傅末帝即位允深倚重明年夏詔尋歸闕授開封尹遙領鎮南軍節度使九月徐州蔣殷叛與鄆師牛存節率兵攻擊破之梟殷首以獻詔加檢校大尉

賀環唐昭宗天復中預平青州王師範以功授曹州刺史兼先鋒都指揮使加檢校司空天佑二年與揚師厚從大祖平荆襄授荆南兩使留後未幾徵還為行營左廂步軍都指揮使累遷左龍虎統軍末帝貞明元年慶州叛為李繼陟所據環以本官充西面行營馬步軍都指揮使與張筠江鳳之衆三萬下寧衍二州三年秋慶州平十二月環以功授滑州宣義軍節度使依前檢校大傅加同平章事

康懷英唐昭宗光化初大祖署為軍校天復元年冬大祖帥師迎昭宗于鳳翔時李茂貞遣大將符道昭領兵萬餘屯武功以

拒大相大相命諸軍擊之以懷英為前鋒領衆先登一鼓而大破之翌日大相方至顧左右曰邑名武功今首盪逆黨真武功也乃召懷英大加獎激仍以駿馬珍器賜之二年八月岐軍屯奉天大相令懷英寨於岐軍之東北岐軍不勝而退昭宗還京賜迎銜毅勇功臣是歲淮人寇徐州大相命懷英馳騎以救之淮人遁去即以懷英為權知晉州刺史天佑三年冬佐劉知俊破邠鳳之衆五萬於美原收十五餘寨乘勝引軍攻下鄜州以功授陝州節度使大相授禪加檢校大保

徐懷玉唐僖宗中和末為大相親從副將左長劍都虞候又從破蔡賊於板橋收秦宗權八寨奏加檢校右散騎常侍文德初同諸軍解河陽之圍復從破除宿昭宗乾寧中奏加檢校刑部

尚書又破朱瑾於金鄉南擒宋江以獻表授金紫光祿大夫檢校右僕射光化中授沂州刺史頃之王師範以青州叛屢出兵侵軼懷玉擊退之天復四年轉齊州防禦使加檢校司空天祐三年轉右龍虎統軍領六軍之士赴澤州晉人遂退開平元年授曹州刺史加檢校司徒明年除晉州刺史其秋晉人大至懷玉領兵破之于洪洞三年制授鄜坊節度使特進檢校大保練兵繕壁人頗安之加檢校大傳

郭言為步軍都將唐僖宗光啟中大相東伐徐鄆言出奇決戰所向皆捷大相錄其績以排陳斬斫之號委之尋表為宿州刺史檢校右僕射

劉康為大相元從都將唐僖宗中和中從大相連年攻討徐克

冊府元龜
軍所向多捷尤善為營壘充諸軍壕寨使及大相盡下三鎮議其功奏加檢校右僕射兼領軍衛

劉捍為大相親事指揮使時大相迎昭宗於岐下天復三年正旦宋文通令客將郭奇使於大相命捍復命昭宗聞其至即詔見詢東兵之事仍以錦衣銀鞍勒馬賜之翌日授光相大夫檢校司空登州刺史昭宗還京改常州刺史賜號迎奎毅勇功臣大相授捍授左龍虎統軍兼元從親馬步都虞候及上黨纏兵以捍為禦營使蕃戎逼澤州命捍以兵千人赴之并運逐道車駕還京授捍侍衛親軍都指揮使晉人侵晉州從幸陝迴加檢大尉

氏叔琮為大相後院馬軍都將時東伐徐鄆多歷年所叔琮身當矢石奮不顧命累遷為指揮使尋奏授宿州刺史檢校右僕射遷曹州刺史昭宗天復元年領大軍攻拔澤潞叔宗遂引兵北掠大原師還除晉州節度使明年大相屯兵于岐下晉軍潛襲絳州前軍不利晉軍恃勝而攻臨汾叔琮嚴設備禦晉軍遂退據蒲縣時大相遣朱友寧將數萬副應悉委叔琮節制叔琮因夜出潛師截其歸路遇晉軍遊騎盡殺之遂拔其壘大相聞之喜謂左右曰殺蕃賊破大原非氏老不可叔琮乃長驅收汾州與晉人轉戰直抵并壘軍回以其功奏加檢校司空朱友恭為汝州刺史檢校司空唐昭宗乾化初淮夷侵鄂渚武昌軍杜洪來乞師大相遣友恭將兵應援俘斬萬餘以功為潁州刺史加檢校司徒

冊府元龜
王重師僖宗文德中為大相帳下都指揮使檢校右僕射枕戈
擐甲五六年於齊魯間凡經百餘戰威震敵人尋檢校司空後
知平盧軍留後加檢校司徒其後北伐幽滄鎮定屢與晉軍接
戰頗得士心故多勝捷昭宗天祐中授雍州節度加同平章事
黃文靖為諸軍指揮使從大相南平巢蔡北定兗鄆皆有功唐
昭宗光化初晉將李嗣昭周德威寇於山東文靖佐葛從周統
大軍禦之尋以功表授檢校右僕射耀州刺史天祐二年春命
佐楊師元深入淮甸赴壽春侵廬江軍至大獨山遇淮夷殺五
千餘衆振旅而還改蔡州刺史檢校司空

侍衛指揮使
李讜為左得勝騎軍都將從大相討蔡賊頗有軍功及東伐兗
鄆以所部士伍俘獲甚衆改元從騎將表授檢校右僕射

李重裔為大相先鋒步軍都頭及大相大舉伐蔡賊秦宗權俾
重裔以滑兵為先鋒及東討徐州下豐蕭二邑轉右廂馬步軍
指揮使

范居實為感義都頭鄭州馬軍指揮使幽州劉仁恭舉衆寇魏
郡居實與葛從周張存敬率兵救魏大破幽滄之衆於內黃大
相迎昭宗於岐下以居實為河中馬軍都指揮使及唐昭宗還
京賜迎銜毅勇功臣遙領錦州刺史又遷左龍驤馬軍都指揮
使從征淮南廼改登州刺史轉右神勇軍使開平元年用兵於

潞州命居實統軍以解澤州之圍授耀州刺史

劉知俊唐昭宗大順中為開道指揮使從大祖討蔡賊秦宗權及攻徐州皆有功尋補徐州馬步軍都指揮使攻海州下之遂奏授刺史天復初歷典懷鄭二州從平青州以功奏授同州節度使天祐三年冬以兵五千破岐軍六萬於美原自是連克鄜延五州乃加檢校太傅平章事開平二年春三月命為潞州行營招討使知俊未至潞夾寨已陷晉人引軍方攻澤州聞知俊至乃退尋改西路招討使六月大破岐軍於幕谷俘斬千計李茂貞僅以身免三年五月加檢校太尉兼侍中封大彭郡王趙德謹唐僖宗光啟中大祖為蔡州四面行營都統表德謹為副仍領襄州節度使蔡州平以功累加官爵封淮安王

新刊監本冊府元龜卷之三百八十六

新刊監本冊府元龜卷之第三百八十七

將帥部四十八

褒異第十三

後唐李承嗣少仕郡為右職唐僖宗中和二年從武皇討賊閔
輔為前鋒王師之攻華陰黃巢令偽客省使王汀澮軍機於黃
揆承嗣擒之以獻賊平以功授汾州司馬改榆次鎮將朱玫之
亂遣承嗣率萬人援鄜州至渭橋迎扈車馬王行瑜既殺朱玫
承嗣會鄜夏之師入定京城獲偽相裴徹鄭昌圖函送朱玫襄
王首獻於行在駕還宮賜號迎銜功臣檢校工部尚書守嵐州
刺史賜軍錢二萬貫益方立之襲遼州也承嗣設伏擊其歸兵
大敗之獲其將奚忠信以功授洺州刺史及張濬之加兵於大

原也時鳳翔軍營霍邑承嗣帥一軍攻之岐人夜遁擊至趙城
合大軍攻平陽旬有三日而拔師旋改教練使檢校司空
李存信唐昭宗大順中為蕃漢都校從武皇討李儔降赫連鐸
白義城以功檢校左僕射從入關討王行瑜加檢校司空領柳
州刺史

李存進昭宗光化中為永安軍使鴈門以北都知兵馬使天復
初破氏叔琮前軍於洞渦三年授石州刺史莊宗初嗣位又為
步軍右都檢校司空師出井陘授行馬步軍都營虞候破汴軍
于柏鄉論功授汾州刺史轉檢校司徒俄兼西南面行營招討
使出師收慈沁州授慈沁二州刺史二年定魏博授天雄軍巡
按使十四年摧蕃漢馬步副總管從攻楊劉戰胡柳十六年以
本職兼領振武節度使時王師據德勝渡汴軍據楊村渡存進
造橋成人皆伏其智莊宗舉酒曰存進吾之杜預也賜寶馬御
衣進檢校大保兼魏博馬步都將與李存審固德勝十九年汴
將王瓚率衆攻北城存進機拒應之汴軍退加檢校大傅

李漢韶初事莊宗為河東牢城指揮使會契丹侵北鄙表令漢
韶帥師進討既而大破胡寇以功加檢校右僕射

李存璋昭宗光化二年為澤州刺史入為牢城使從李嗣昭討
雲州叛將王暉平之改教練使檢校司空五年立莊宗夷內難
頗有力烏改河東馬步都虞候兼領鹽鐵又從破汴軍於夾城
轉檢校司徒柏鄉之役為三鎮排陣使十一年從盟朱友謙於
倚氏授汾州刺史汴將尹皓攻慈州逆戰敗之十三年王檀逼

太原存璋率汾州之軍入城固守授大同軍防禦使應蔚朔等州都知兵馬使秋拜丹逼雲州存璋拒守虜退以功檢校大傳大同軍節度雲應等州觀察使十九年四月以疾卒於雲州同先初追贈大尉平章事

李存賢以天祐五年權知蔚州以禦吐渾六年權沁州刺史先是州當賊境不能保守存賢至郡乃移復舊郡莊宗嘉之轉檢校司空真拜刺史九年汴人乘其無備來攻其城存賢擊退之十一年授武州刺史山北團練使十二年移刺慈州七月汴將尹皓攻州城存賢督軍拒戰賊遁去十八年河中朱友謙來求援命存賢帥師赴之十九年汴將段凝軍五萬營臨晉存賢拒退之以功加檢校司徒同光二年為盧龍軍節度使卒詔贈大

傳

康君立自武皇為鴈門節度立為右都押衙僖宗時從武皇入關逐黃孽收長安武皇還鎮大原授先鋒軍使文德初李罕之既失河陽來歸於武皇且求援焉乃以君立充南面招討使為汾州刺史及潞州小校安居受反武皇遣君立討平之授檢校左僕射昭義節度使自是武皇之師連歲掠地於邢洺攻孟方立君立常率潞之師以為掎角加檢校司徒食邑千戶李存孝據邢州叛武皇命君立討之以功加檢校大保薛志勳自武皇鎮鴈門領代北君使從入關收京城以功檢校工部尚書河東右都押衙先鋒右軍使從武皇救陳許平黃巢武皇遇難於上源驛志勳擊敗汴軍昭宗大順初與李承嗣敗

韓建之軍於蒙垓進收晉絳以功授忻州刺史又從討鎮州收
天長臨城志勤皆先登陷陣王暉據雲州叛討平之以志勤為
大同軍節度使檢校司空

史儼為武皇帳中親將昭宗乾寧中從討王行瑜時京城大擾
士庶奔迸儼分騎警衛壯駕還京盜賊不作以功檢校右散騎
常侍屯於三橋者累月昭宗寵錫優異

史建塘昭宗光化中典昭德軍與李思安攻分州率先登城擒
叛將李塘以獻授檢校工部尚書李思安之圍上黨也建塘為
前絳與總管周德威赴授時汴將王景仁營於栢鄉塘與德威
先出井陘高邑之戰汴軍有歸志建塘先陷其陣遂長驅追擊
夜入栢鄉俘斬數千論功加檢校左僕射十三年敗劉鄩於元

城收澶州以建塘為刺史檢校司空外衙騎軍都尉

蓋寓自武皇鎮大原為左都衙押檢校左僕射昭宗乾化二年
寓從武皇入關討王行瑜特授檢校大保開國侯邑千戶

周德威昭宗乾寧中為鐵林軍使從武皇討王行瑜以功授檢
校左僕射移內衙軍副天祐三年與李嗣昭合燕軍攻潞州降
丁會以功加檢校大保代州刺史代嗣昭為蕃漢都將李思安
之寇潞州也德威軍余吾時汴州軍十萬築夾城圍潞州及武
皇獸代莊宗再授潞州德威大敗梁軍解潞州之圍以功加檢
校大保平章事十年又擒幽州劉守光父子授檢校侍中幽州
盧龍軍節度使

符存審初典武皇義兒軍從討汾州邠之勁兵屯龍泉寨存審

奮力拔之師旋授檢校左僕射副李嗣昭討李瑋於汾州擒之
以功改左右廂步軍都指揮使昭宗天祐三年授蕃漢馬步副
指揮使與李嗣昭降丁會於上黨從周德威破賊夾城以功加
檢校司徒授忻州刺史領蕃漢馬步都指揮使七年加檢校大
保克蕃漢副總管九年梁祖攻脩縣存審赴援汴人燒營而遁
以功遙領邢洺慈團練使十三年二月劉鄩襲魏州存審戰于
故元城大敗汴人從莊宗收澶衛慈洺等州秋邢州閻寶降授
存審安國軍節度邢洺慈等州觀察使十月戴思遠棄滄州毛
璋以城降授存審檢校大傅橫海軍節度使兼領魏博馬步軍
都指揮使明年就加平章事十九年平鎮州以功加檢校大傅
兼侍中二十年正月師旋於魏州莊宗出城迎勞就第宴樂居

無河契丹犯燕薊詔存審以本官充幽州盧龍節度使自鎮州
之任同光初加開府儀同三司檢校大師中書令邑千戶賜號
忠烈扶天啟運功臣五月卒於幽州莊宗震悼久之廢朝三日
贈尚書令

表建置為鐵林都虞候從武皇破邠州王行瑜以功遷左親騎
軍使轉突騎指揮使從莊宗解圍上黨破栢鄉陣累功加右僕
射左廂馬軍使明宗為內衙指揮使建豐為副北討劉守光常
身先士伍轉都教練使權蕃漢副總管莊宗入鄴以心腹幹能
選為魏府都巡檢使破劉鄩下魏慈洺三郡有功加檢校司空
夏

魯奇為慈州刺史中都之戰汴人大敗魯奇擒王彥章以獻莊

宗壯之賞絹千疋梁平授鄭州防禦使

元行欽為武寧軍節度使檢校大傅莊宗賜名紹榮嘗內宴群臣使相預會行欽官為保傅合地樽而坐酒斟樂作帝叙生平戰陣之事因左右顧視曰紹榮安在所思奏云有敕使相預會紹榮散官殿上無位帝徹會不憚翌日以行欽為同平章事由是不宴百官於內殿但宴武臣而已

李建及為遼州刺史莊宗胡柳之役欲收軍建及引銀鎗效節奮擊繇是王師復振以功加檢校司空魏博內外衙都將又與汴將王瓚戰於戚城建及傷手莊宗解御衣金帶賜之

張敬達為廳直軍使從莊宗平河南有功加檢校工部尚書

康思立為河東親騎使從莊宗解上黨圍敗梁人於栢鄉及平

薊丘後戰於河上皆有功累加檢校戶部尚書右突騎指揮使

莊宗即位繼改軍帥賜忠勇拱衛功臣加檢校尚書左僕射

康延李為捧日軍使兼南面招討指揮使檢校司徒莊宗平汴延孝頗有力焉以功檢校大保

安元信為突陣軍都將時莊宗嗣晉王位元信從救上黨破夾寨復澤潞以功授檢校司空遼州刺史賜王鞍名馬栢鄉之役日晚戰酣元信重傷莊宗自臨傳藥改檢校司徒武州刺史充內衙副都指揮使山北諸州都團練副使

安金全武皇時為騎將屢從征伐莊宗之救潞州及平河朔皆有戰功累遷刺史

闕寶莊宗時遙領天下軍節度使東西面招討等使張文禮之

冊府元龜
殺王鎔叛寶帥師進討及契丹來援鎮州前鋒至新樂衆心憂之寶見莊宗指陳方畧軍情乃安虜退加檢校侍中

李紹文莊宗時為博州刺史預破劉鄩於故元城歷具隰二州刺史領天雄軍馬步副都將屯於德勝從闔寶討張文禮為馬步都虞候明宗收鄆州以紹文為右都押衙馬步軍都將從破王彥章於中都同光中歷徐滑二鎮副使知府事

霍彥威為陝州留後從明宗平潞州授徐州節度使天成初改平盧軍節度至鎮擒王公儼斬之明年冬肆甄於汴明宗接遇甚厚累遷至檢校大尉兼中書令

王晏球為齊州防禦使北面行營馬軍都指揮使鄴都之亂明宗入赴內難晏球時在瓦橋遣人招之明宗至汴晏球率騎軍從至京師以平定公授宋州節度使天成二年王都據定州叛晏球討平之以功授天平軍節度使未幾移鎮青州就加兼中書令

安審通明宗天成初為齊州防禦使兼諸道先鋒馬軍都指揮使奉詔北征會龍旺部下兵亂審通盡戮之以功檢校大傅滄州節度使

劉彥琮為鐵林指揮使從明宗赴難京師授華州留後尋正授節旄

西方鄴為奉義指揮使天成初荆渚違命明宗素知其才力擢授夔州刺史東南面行營招討副使鄴將偏師收復峽內三州二年升夔州為寧江軍以鄴為節度使屢奏克捷三年加檢校

冊府元龜
大保

孫璋天成初為齊州防禦使王都之據中山璋為定州行營都虞侯賊平加檢校大保

張虔到為親軍都指揮使領春州刺史明宗天成中虔到與諸將圍王都於中山大敗契丹於嘉山之下及定州平以功授滄州節度使

晉房知溫初仕後唐明宗天成初為兗州節度使明年詔克壯面招討使屯於盧臺軍以盧文進來歸加持進同平章事賞招討之功也至長興二年除平盧軍節度使累官至開府儀同三司檢校大師兼中書令封東平王食邑五千戶食實封三百戶高宗天福元年十二月卒於鎮贈大尉詔立神道碑

康福初仕後唐明宗為朔方河西等軍節度使到鎮歲餘西戎皆款附改賜福耀忠扶定保節功臣末帝清泰中加持進開國侯充西面都部署高祖受命就加檢校大尉封開國公

華溫琪仕後唐為秦州節度使明宗即位因入朝願留闕下明宗加而許之除左驍衛上將軍逐月別賜錢粟以豐其家後為太子少保致仕高祖天福元年十二月終於家詔贈太子太保方大為奉國都虞侯從杜重威破張從賓於汜水高祖以其功除趙州刺史

郭金海為護聖都虞侯高祖天福二年金海從王師討范延光於魏州以功轉本軍都指揮使

王建立為青州節度使高祖天福二年封臨淄王明年封東平

冊府元龜
王五年入覲高祖賜不拜呼老兄使肩輿入朝上殿則使人扶
導論者榮之尋表乞休致帝不許乃除潞州節度使割遼沁為
上黨屬郡加檢校大師進封韓王以光其故里高祖御明德樓
餞送赴鎮賜王斧蜀馬及卒冊贈尚書令

馬全節高祖天福五年鎮安州時李金全據州叛引淮軍為援
因命全節將兵討平之以功加檢校大尉六年援鎮州行營副
招討使兼排陣使與安重榮戰於宗城大敗之鎮州平加開府
儀同三司

程福贊初為軍校天福七年冬從杜重威討鎮州與安重榮大
戰於宗城以功遷洺州團練使檢校大尉

皇甫遇高祖天福末鎮河陽少帝即位歸闕及虜南寇從至澶
州戰於鄆州壯津虜衆大敗溺死數千人以功拜滑州節度使
郭璘少帝開運中鎮揚州時契丹攻其郡以州兵攻賊數獲其
利朝廷嘉之就加檢校大保

漢王周初仕後唐明宗為裨校累歷郡守晉天福中安重榮以
鎮州叛從杜重威討平之以功授貝州節度使高宗定天下移
鎮徐州加同平章事乾祐元年二月卒於鎮輟視朝三日贈中
書令

劉在明後唐明宗時為奉聖左廂都指揮使領和州刺史從幸
汴州至滎陽聞朱守殷叛用為前鋒至汴城率先登城賊平授
汴州馬步軍都指揮使晉高祖天福中李金全以安州叛在明
從李守貞攻之大破淮賊以功授安州防禦使移領絳州楊光

冊府元龜
遠據青州叛召為行營馬步軍都指揮使領齊州防禦使青州平遷相州留後及高祖踐祚授安州道行營都部署時虜守中山在明出師經畧虜乃棄城而去遂授鎮州留後乾祐元年五月授鎮州節度使六月卒於鎮贈侍中

史弘肇為許州節度使侍衛步軍都指揮使時高祖由蒲陝赴潞弘肇為前絳兵士所至秋毫不犯以至平定兩京及從駕征鄴迴同平章事充侍衛親軍都指揮使兼鎮宋

杜重威晉天福初典禁軍遙授野州刺史二年張從賓構亂據汜水晉高祖遣重威與益率衆破之以功授潞州節度使與楊光降范延光於鄴城改許州節度使兼侍衛親軍馬步軍副都指揮使尋加同平章事

周高季興梁大相時為荆南節度使開平中破雷彥恭於閬州加平章事

安叔千初仕後唐莊宗為奉安都將大成初天師伐定州命為先鋒都指揮使王都平授秦州刺史連刺涿易二州清泰初契丹寇振門叔千從晉祖運戰敗之進位檢校大保振武節度使晉祖踐祚就加同平章事

王商後唐天成中為靈武都指揮使久之代還清泰中張令昭據鄴叛商從范延光討之首冒矢石率先登城以功授邠州刺史

何福進後唐清泰中自彰聖都虞侯率本軍從范延光平鄴以功歷鄭隴二州防禦使

冊府元龜
安審暉晉高祖時為河陽節度使會李金全據安州叛詔馬全節為都部署領兵討之以審暉為副安六平移鎮鄧州進位檢校大傅又襄州安從進叛舉漢高之衆北攻南陽審暉登陴召賊帥以讓之從進不允而退襄州平就加檢校大尉

宋彥筠初仕晉為防禦使從高行周破安從進於襄陽以功拜鄧州節度使

王饒仕晉高祖為奉國軍檢校尚書左僕射天福六年從杜重威平常山以功加檢校司空遷本州都校領連州刺史時安從進叛於襄陽高祖以饒為行營步軍都指揮使賊平授深州刺史復為本軍右廂都指揮使領閬州團練使及漢祖舉義於晉陽尋剋復諸夏唯常山郡為虜所據時饒在其郡乃與李筠白再筠之傳承間盡逐其黨漢祖嘉之授鄜州觀察留後加光祿大夫賜爵齒侯

高從誨為荆南節度使晉天福中加守中書令時襄州安從進及王師攻討從誨起戰掉饋軍食以助焉詔書褒美尋加守尚書令

劉詞仕晉為奉國第一都虞侯從馬全節伐安隆敗淮賊萬餘衆晉祖嘉之授奉國都校累加檢校司空又從杜重威敗安重榮於宗城又圍鎮陽詞自登雲梯身先士伍以功加檢校司徒沁州刺史又仕漢為奉國右廂都校遙領閬州防禦使從漢祖平鄴加檢校大保乾祐初李守貞叛於河中大祖征之朝廷以詞為侍衛步軍都指揮使遙領寧江軍節度使充行營馬步都

虞侯命分屯於河西二年正月李守貞遣敢死之士數十夜入其營詞叱短兵以擊之賊衆大敗而退河中平大相嘉其功表為華州節度使歲餘移鎮滑臺大相受命加同平章事

王令溫晉初洺州團練使及安重榮稱兵於鎮州晉相以令溫為行營馬軍都指揮使與都帥杜重威敗賊於宗城以功授亳州防禦使

李建崇仕晉為申州刺史天福七年冬襄州安從進構逆建崇拒賊至潁陽縣之華山接戰大敗之以功授亳州團練使襄陽平遷安州防禦使

王重裔為禁軍指揮使晉天福中鎮州安重榮謀叛請分杜重威麾下兵擊敗之以功遷護聖右廂都指揮使漢初仍典禁軍

從征鄴都為先鋒都校鄴都平遷深州刺史

趙暉仕漢祖乾祐初鎮鳳翔屬王景崇叛據岐山命暉為西南面行營都部署以討明年春拔之加檢校大師兼侍中國初就加兼中書令

晉英漢初為奉國軍主檢校司徒假康州刺史乾祐初李守貞據河中叛授行營步軍都校河中平遷本軍廂主領岳州防禦使隨大相在魏為北面行營步軍都校從平內難國初以翊戴功授昭武軍節度使檢校大傅侍衛步軍都指揮使

史彥超為龍捷指揮使大相之赴內難彥超以本軍從國初與虎捷都指揮使何徽戍晉州會劉崇與契丹入寇攻圍州城月餘彥超與何徽力固拒累挫賊鋒大相嘉其善守之功賞賜

甚厚未幾授龍捷右廂都指揮使尋授鄭州防禦使劉崇之寇潞州也車駕親征以彥超為先鋒都指揮使高平之戰先登陷陣以功授華州節度使先鋒如故

高行周初隸後唐明宗帳下時明宗為總管襲鄆州行周為先軍夜涉河入東城北畧平之及莊宗平河南累加檢校大保領瑞州刺史明宗即位行周從王景球圍定州敗王都擒禿餒皆有功賊平遷潁州團練使晉末為鄆州節度使漢高祖入汴加守大傅兼中書令代李守貞為天平節度使杜重威據鄴叛漢高祖以行周為招討使總兵討之鄴平授鄴都留守加守大尉進爵臨清王乾祐中入覲加守大保進封鄴王復授天平軍節鉞改封齊王太宗踐祚加尚書令增食邑至一萬七千戶大祖

以行周耆年宿將賜詔不名但呼王位而已廣順二年秋薨賜賻加等冊贈尚書令追封秦王

安審琦仕晉少帝為襄州節度使兼中書令屬荆人叛命潛遣舟師數千將屠襄郢審琦禦之而遁朝廷賞功就加守大保進封齊國公歲餘入加守大傅國初封南陽郡顯德初進封陳王世宗嗣位加守大尉三年拜章請覲優詔許之加守大師增食邑至一萬伍百戶食實封二千三百戶

唐景思世宗時董效順指揮屯於淮上世宗親征淮南景思繼有戰功乃命饒州刺史

白延遇仕晉歷典禁軍累遷至檢校司空天福中晉祖在鄴安重榮叛於鎮州師衆數萬指闕而來晉祖召杜重威統諸將以

御之時延遇不預其行乃泣告晉祖願以身先許之及陣于宗
城延遇帥其屬先犯之斬級數千晉祖聞之即命中使以寶劍
馬賜之常山平以功檢校司徒充馬軍右廂都校後遷復州防
禦使國初加檢校大保尋受代歸闕屬大祖親征充海以延遇
為先鋒都校充州平授齊州防禦使及世宗征淮南乃詔延遇
為先鋒都校與韓令坤先入揚州尋以別部屯於盛塘前後敗
淮賊萬餘衆及世宗廻自壽陽制以延遇為同州節度使未之
任所以疾卒於濠州下詔贈大尉

新刊監本冊府元龜卷之三百八十七

新刊監本冊府元龜卷之三百八十八

將帥部十九

儒學

有禮

儒學

周官大宰九兩之法其四曰儒以道得民盡六藝之文七德之
要盡在是矣由三代而下善為將者又豈勝道哉乃有博通經
術涉獵史傳雖在軍旅不廢俎豆將臨戰陣未忘講誦緩帶以
談論下帷而著述亦有起於諸生嘗歷科舉為世文宗後執兵
柄至乃屬辭削牘賦詩應詔書檄翩翩之美文雅彬彬之譽皆
所以揚閭外之風烈昭義府之丕訓者已晉獻公蒐于被廬作
三軍謀元帥趙衰曰卻敎可臣亟聞其言矣說禮樂而敷詩書

詩書義之府也禮樂德之則也德義利之本也夏書曰賦納以言明試以功車服以庸君其試之乃使將中軍

漢陳湯少好書博達善屬文以薦為郎遷西域副校尉與甘延壽俱出累遷射声校尉

馮奉世以良家子選為郎三十餘年乃學春秋涉大義讀兵法前將軍韓增奏以為軍司空令本始中從軍擊匈奴軍罷復為郎累遷左將軍光祿勳居爪牙官前後十年為折衝宿將功名次趙充國

後漢耿况王莽時以明經為朔調連率莽改上谷郡曰朔調守日連率况武狗

河北加况大將軍

况子弇少習父業學詩禮亦為大將軍

弇弟子秉博通書記歷征西度遼將軍

景丹少學長安王莽時學四科丹以言語為固德侯相有幹事

稱遷朔調連率副貳屬令也光武徇河北拜丹偏將軍累遷驃騎

大將軍

鄧禹年十三能誦詩受業長安光武徇河北號禹曰鄧將軍累

遷前將軍右將軍

馮異好讀書通左氏春秋孫子兵法光武徇河北以為偏將軍

進止皆有表識言其進退有常處也累遷征虜將軍

賈復少好學習尚書事舞陰李生後從光武立功累遷執金吾

建武十三年復知帝欲偃干戈脩文德不欲功臣擁眾京師乃

與高密侯鄧禹並剽甲兵敦儒學帝深然之遂罷左右將軍復

以列侯就第加位特進

朱祐為人質直尚儒學初學長安光武厚之祐不辭勞苦而先升講舍後為大將軍

祭遵為征虜將軍取士皆用儒術對酒設樂必雅歌投壺

雅歌謂歌

也雅詩又建孔子立後奏置五經大夫雖在軍旅不忘俎豆

賈宗為長水校尉宗兼通儒術每謙見常使與少府丁鴻等論議於前

馬援常受齊詩師事潁川滿昌後為虎賁中郎將援閑於進對尤善述前世行事每言及三輔長百下至閭里少年皆可觀聽竇固好覽書傳喜兵法累遷奉車都尉出玉門擊西域

鮑永少有志操習歐陽尚書後拜僕射行將軍事將兵集河東永好文德雖行將軍常衣皂檐榆路稱鮑尚書兵焉

班超持公羊春秋多窺覽後為西域都護

皇甫規為中郎將持節監關西兵討零吾等破之歷渡遼將軍護羌校尉所著賦銘碑贊禱文弔疏章表教令書檄牋記凡

二十七篇張奐少遊三輔師事大尉朱寵學歐陽尚書後為使

匈奴中郎將時休屠及朔方烏桓並同叛反燒度遼將軍門引屯赤阮煙火相望兵衆大恐各欲亡去奐安坐帳中與弟子講

誦自若軍士稍安乃潛誘烏桓陰與和通遂使斯屠各渠帥襲

破其衆諸胡悉降奐著尚書記難三十餘萬言又著銘頌書教

誠述志對策章表二十四篇

公孫項從涿郡盧植學於緱氏山中略見書傳後為奮武將軍

用府元龜
遼東太守

郭涼雖為武將然通經書多智略尤曉邊事

魏鮑信漢末以兵應大祖表信行破虜將軍雖遭亂起兵家本
脩儒

夏侯惇年十四就師學後為大將軍雖在軍旅親迎師受業

李典好學問貴儒雅不與諸將爭功敬賢士大夫恂恂若不及
軍中稱其長者

鍾會好書籍涉歷衆書特好者易精練名理以夜續晝後為鎮
西將軍假節都督關中諸軍事統十餘萬衆伐蜀

蜀諸葛亮為右將軍行丞相事亮言教書奏多可觀隨類相從
凡為二百四篇

關羽好左氏傳諷誦略皆上口後為前將軍假節鉞

張翼治律春秋遊學京師後為前領軍督建威假節征西將軍
蜀吳張昭少好學從白侯子安受左氏春秋博覽衆書後為輔

吳將軍在里宅無事乃著春秋左氏傳解及論語註大帝問衛
尉嚴畷寧念少時所闇書不畷因誦孝經仲尼居昭曰嚴畷鄙
生臣請為陛下誦之乃誦君子之事上咸以昭為知所誦

魯肅為偏將軍轉橫江將軍雖在軍陣手不釋卷又善談論能
屬文辭思度弘遠有過人之明

士燮為衛將軍領交趾太守耽玩春秋為之注解陳國袁徽與
尚書令荀彧書曰交趾士府君既學問優博又達於政事處大
亂之中保全一郡二十餘年疆場無事民不失業羈旅之徒皆

用府元龜
蒙其慶雖實融保河西曷以加之官事小閑輒玩書習春秋左氏傳尤簡練精微吾數以咨問傳中諸疑皆有師說意思甚密又尚書兼通古今大義詳備聞京師古今之學是非忿爭今欲條左氏尚書長義上之其見稱如此

陸凱為建武都尉領兵雖統軍衆手不釋書好大立論演其意以筮輒驗

孫瑜為奮威將軍領丹陽太守濟陰人馬晉篤學好古瑜厚禮之使府將吏子弟數百人就受業遂立學官臨饗講肄是時諸將皆軍務為事而瑜好樂墳典雖在戎旅誦聲不絕

孫奐為揚威將軍領江夏太守奐亦愛樂儒生復命部曲子弟就業後仕進朝廷者數十人

陸績為鬱林太守加偏將軍給兵二千人績既有臂疾又意在儒雅非其志也雖有軍事著述不廢

陸景為偏將軍中夏督澡身好學著書數十篇

晉王沈好書善屬文魏末為征虜將軍都督江北諸軍事晉受禪遷驃騎將軍錄尚書事

羊祜為征南大將軍博學能屬文所著文章及為孝子傳並行於世

杜預博學多通明於廢興之道常言德不可以企及立功立言可庶幾也後拜鎮南大將軍預身不跨馬射不穿札而每在大事輒居將率之列結交接物恭而有禮既立功之後從容無事乃耽思經籍為春秋左氏經傳集解又參考衆家譜第謂之釋

例又作盟會圖春秋長歷成一家之學

周處勵志好學有文思後為新平太守累遷御史中丞氏人齊萬年叛乃使處隸夏侯駿西征萬年聞之曰周府軍昔臨新平我知其為人才兼文武若專斷而來不可當也如受制於人此成擒耳

劉琨初為司隸從事時征虜將軍石崇引致賓客日以賦詩琨預其間文詠頗為當時所許後為都督并冀幽三州諸軍事相逖博覽書記談涉古今往來京師見者謂逖有晉世才其後為鎮西將軍石勒不敢窺兵河西

邵續博覽經史善談理義妙解天文後為平北將軍假節

陶侃為都督荆雍益梁州諸軍事遠近書疏莫不手答詞翰如流未嘗壅滯

郗鑒博覽經籍躬耕隴畝吟詠不倦以儒雅著名不應州命後為安西將軍都督揚州江西諸軍事假節鎮合肥

劉毅為衛將軍征盧循敗歸後宋高祖與安帝大宴於西池有詔賦詩毅詩云六國多雄士正始出風流毅自以武功不競故示文雅有餘也

宋謝晦為高祖太尉參軍晦涉獵文義朗瞻多通高祖深加愛賞後為都督荆湖雍益寧北南秦七州諸軍事領南蠻校尉荆州刺史

劉湛為高祖相國參軍博涉史傳諳前世舊典後為右衛將軍出督廣交二州諸軍事

冊府元龜
朱齡石為高祖鎮軍參軍時大尉主簿劉穆之嘗於高祖坐與齡石答書自旦至日中穆之得百函齡石得八十函高祖壯伐遷左將軍持節督關中諸軍事

南齊柳世隆授後將軍尚書左僕射不拜世隆性愛涉獵啟大祖借秘閣書帝給二千卷梁揚公別為左將軍歷中護軍性好學雖居軍旅手不輟卷士大夫以此稱之

羊侃為北伐大軍師高祖制武宴詩四十韻以示侃侃即席應詔高祖覽曰吾聞仁者有勇今見勇者有仁可謂鄒魯遺風英賢不絕

常督為護軍將軍其第三子稜允明經史世稱其洽聞督每坐稜使說書其所發摘稜猶弗之逮

柳惔為安南將軍著仁政傳及諸詩賦粗有辭義

曹景宗為右衛將軍破魏軍振旅凱入帝於華光宴飲連旬令左右射沈約賦韻景宗不得韻意色不平啟求賦詩帝曰卿伎能甚多人才英拔何必止在一詩景宗已醉水作不已詔令約賦韻詩韻已盡唯餘競病二字景宗便操筆斯須而成其辭曰去時兒女悲歸來笳鼓競借問行人何如霍去病帝歡不已約及朝賢驚嘆竟日詔令上左史

張欣泰將家子不以武業自居好肄書讀子史仕齊為直閣將軍後為步兵校尉

後魏賀狄于世為將孝文時遣狄于結婚於姚萇後狄于還在長安幽閉因習讀書史通論語尚書諸經舉止風流有似儒者

力雍為征南大將軍性寬柔好尚文典手不釋書明敏多智凡所為詩賦頌論并詩雜文百有餘篇

酈輝為征虜將軍所作文章頗行於世撰慕容氏書不成劉澡為征虜將軍涉獵群籍美談笑善與人交

崔孝芬為車騎大將軍博聞口辯善談論所有文筆數十篇李元護初仕南齊龍驤將軍雖以將用自達然亦頗覽文史習於簡牘

賀拔勝為驃騎大將軍始愛墳籍乃招引文儒討論義理性又通率重義輕財身死之日唯有隨身兵仗及書千餘卷

後周陸逞起家羽林監文帝內親信時輩皆以驍勇自達唯逞獨兼文雅帝由此加禮遇焉

常孝寬為驃騎大將軍徐州總管雖在軍中篤意文史政事之餘每自披閱末年患眼猶令學士讀而聽之

高琳為驃騎大將軍時文州氐酋反詔琳率兵討之師還祖宴群公卿士仍命賦詩言志琳詩末章云寄言實車騎為謝霍將軍何以報天子沙漠靜妖氣帝大悅曰獯獫陸梁于時款塞卿言有驗國之福也

隋賀若弼為吳郡總管與壽州總管源雄並為重鎮弼遣雄詩曰交河驃騎幕合浦伏波營勿使麒麟上無我二人名

崔彭為車騎驃騎將軍高祖嘗曰卿了馬固以絕人頗知學否彭曰臣少愛周禮尚書每於沐浴之暇不敢廢也帝曰試為我言之彭曰說君臣戒慎之義帝稱善觀者以為知言

周羅暉初仕陳為大子左衛率信任逾重時參宴席陳主曰周左率武將詩每前成文士何為後也都官尚書孔範對曰周羅暉執筆製詩還如馬上入陣不在人後自是益見親禮

唐張士貴貞觀中為右屯衛大將軍從幸岐陽教習將至武功太宗載誕之所也是日賜宴士貴賦詩甚有理致是後頻屬和士貴音詞質朴言論不文多疑其假手

李君羨貞觀中為左武侯中郎將每於北門長上在仗讀書不暫休止深蒙賞勞累遷蘭州都督左監門將軍

劉仁軌好學專習每行坐所在輒書空畫地由是博涉文史顯慶中為檢校帶萬州刺史統衆便道發新羅兵救劉仁愿與百濟府城仁愿既至京高宗謂曰卿在海東前後奏請皆合事宜

而雅有文理卿武將何得然也對曰劉仁軌之詞非臣所及也帝深歡賞之因超加仁軌六階正授帶萬州刺史

婁師德頗有學術弱冠進士擢第累補監察御史上元初吐蕃犯塞有詔募猛士以大夫師德抗志應募高宗大悅特假朝散大夫從軍西討頻立戰功

裴行儉補弘文生舉明經儀鳳中為秦州領撫右軍總管擒十姓可汗阿史那都支及遮旬而還高宗曰卿文武兼資今故授卿二職即日拜禮部尚書兼檢校右衛大將軍

唐休景少以明經擢第有文章材幹久視元年為隴右諸軍州大使大破吐蕃大將麴莽支於涼州洪源谷入拜武威金吾二衛大將軍長安中西突厥烏質勒與諸蕃不和舉兵相持安西

冊府元龜
道表奏相繼則天令休璟與宰相商度事勢俄頃草奏便遣施行後十餘日安西諸州表請兵馬應接程期一如休璟所畫郭元振舉進士累遷隴右諸州軍大使安西大都護朔方大總管有文集二十卷

張說應詔舉開元七年權檢校并州都督府長史充天兵軍使兼脩國使仍賫史本隨軍脩撰後為朔方軍節度大使

歌舒翰年四十慨然仗劍之河西事節度王倕後王忠嗣為河西節度使以翰為衙前將翰好讀左氏春秋及漢書踈財重氣士多歸之

高遐寓少讀左氏春秋及孫吳兵法後為左武衛大將軍邠寧節度使

梁劉鄩幼有大志好兵略涉獵史傳唐中和中事青州節度使王敬武為小校

羅紹威為天雄軍節度使服膺儒術明達吏理好招延文士聚書萬卷開學館置書樓每歌酒宴會與賓佐賦詩頗有情致江東人羅隱者佐錢鏐軍募有詩於天下紹威遣使賂遺叙南卷之敬隱乃聚其所為詩投寄之紹威嘗有公作因目已之所為曰偷江東集至今鄴中人士諷詠之紹威嘗有公燕詩云簾前澹泊雲頭日坐上蕭騷雨脚風雖深於詩者亦所歎服烏震為河北道副招討略涉書史尤嗜左氏好為詩善筆札凡郵亭佛寺多有留題之跡

晉史翰為義成軍節度使好春秋左氏傳每視政之暇延學者

講說躬自執卷授烏時發難問窮於隱奧流輩或戲為史三傳
張希崇為靈武節度使初自虜南歸過故鄉謁中朝執政及臨
郡與屬巴令多為章句雖非工甚閑理道有故人之趣性嗜書
蒞事之餘手不釋卷

錢元瓘為兩浙節度使幼聰敏少親史事有詩千篇編其尤者
三百篇命曰錦樓集

有禮

傳曰禮信戰之器也又曰治軍非禮威嚴不行是知軍旅非禮
則武功克成然後敷陣有果毅之容御衆有長幼之序知其可
用能以德攻者也歷代而下賢帥繼出固有深達義府之訓能
率禮經之法講求善志著於行事乃至不敢自擅以誅偏裨先

問儀適然後會見甫清亂略致恭宗祐或靡敢代主將之任或
使之知朝廷之尊不伐隣喪罔踰服紀言還故郡克申禮義接
下遵乎素範治戎宣乎懿望斯皆敷閱之攸及信讓之可稱者
歟故秦師過周王孫知其必敗狂狡違命君子謂之宜禽蓋禮
之不可不慎也已

韓厥晉大夫為司馬魯成公一年六月晉伐齊齊逢丑父為齊

侯右丑父不能推車而反為韓厥所為厥執繫馬前繫馬絆也繫之永脩臣僕之職

再稽首奉觴加璧以進進觴壁亦以示敬曰寡君使郡臣為魯衛請曰

無令輿師陷入君地本但為二國救請不下臣不幸屬當戎行

無所逃隱屬適也且懼奔辟而忝兩君辱戎士奔辟則為辱晉君并為齊侯羞故言

君此蓋韓厥自處敢告不敏攝官承之言欲以已不敏攝承空乏從君但還

卻至晉大夫佐新軍魯成公十六年六月甲午晦晉侯及楚子

鄭伯戰于鄆陵卻至三遇楚子之卒見楚子必下免胄而趨風

疾如楚子使工尹襄問之以弓問遺也曰方事之殷也有韎韍之

跗注君子也韎赤色跗注戎服若連識見不殺而趨無乃傷乎其

傷卻至見客免胄承命曰君之外臣至從寡君之戎事以君之

靈間蒙甲冑間猶近也不敢拜命介者不拜敢告不寧君命之辱以君辱

不敢自安為事之故敢肅使者以軍事不得拜故肅事者肅手至地若今擗三肅使者而

退

晉韓厥從鄭伯從逐也其御杜溷羅曰速從之其御屢顧不在焉

可及也韓厥曰不可以再辱國君乃止二年鞏戰韓厥已辱齊侯卻至從鄭

伯其右第翰胡曰誅輅之餘從之乘而俘以下欲遣輕兵車進

而自卻至曰傷國君有刑亦止

士匄晉大夫帥師侵齊及穀聞喪而還禮也

子展鄭大夫魯襄公二十五年六月辰伐陳霄突陳城遂入之

子展命師無入公宮與子產親御諸門欲服之而已陳侯使司

馬桓子貽以宗器陳侯免擁杜免喪服擁杜袍杜主亦取也使其眾男女別

而累以待於朝以待命係子展執紼而見見陳侯再拜稽首承飲

而進獻承飲奉觴示不失臣敬子美入數俘而出子美子產也但數其祝

枅杜司徒致民司馬致節司空致地乃還枅除也節兵符陳亂故正其眾官修其所

職以安定乃還也

漢衛青武帝時為大將軍出征匈奴右將軍蘇建盡亡其軍獨

以身得亡去自歸青青問其罪正閑長史安議郎周霸等正軍

正也

開名也律都軍建當云何謂處斷其罪霸曰自大將軍出未嘗

斬裨將今建棄軍斬以明將軍之威閔安曰不然兵法小敵之

堅大敵之會也言衆寡敵以其堅戰無有退心故士卒喪盡也

去今建以數千當單于數萬力戰一日餘士皆不敢有二心自

歸而斬之是示後無反意也不當斬青曰青幸得以肺附謂親

威也待罪行間不患無威而霸說我以明威甚失臣意且使臣職

當斬將以臣之尊寵而不敢自擅專誅於境外其歸天子天子

自裁之於以風為人臣不敢專權不亦可乎風讀軍吏皆曰善

遂囚建行在所

後漢鄧禹為大司徒光武遣禹引兵西入關以乘更始赤眉之

亂赤眉西走扶風禹乃南至長安軍昆明池率諸將齋戒擇吉

日脩禮謁祠高廟收十一帝神主遣使奉詣洛陽因循脩園陵

為置吏士奉守焉

蓋延為虎牙將軍南代劉永與其將蘇茂戰於沛西大破之遂

定沛楚臨淮脩高祖廟置嗇夫祝宰樂人東觀記云延因齋戒詞高祖廟

竇融為梁州牧時光武西征隗囂融率五郡大守及羌虜小月

氏等步騎數萬輜重五千餘兩與大軍會高平第一高平原州縣高平有

第融先遣從事問會見儀適猶言是特軍旅之世諸將與三公

交錯道中或背使者交私語帝聞融先問禮甚善之以宣告百

僚乃置酒高會引見融等待以殊禮

吳綾統吳郡餘杭人為偏將軍過本縣步入寺門見長史懷三

版恭敬盡禮親舊故人恩意益隆

晉劉弘為南蠻校尉荊州刺史時總章大樂伶人避亂多至荊州或勸可作樂者弘曰昔劉景升以札壞樂寮命杜夔為天子合樂樂成欲庭作之夔曰為天子合樂而庭作之恐非將軍本意吾嘗為之歡息今主上蒙塵吾未能展效臣節雖有家伎猶不宜聽况御樂哉乃下郡縣使安慰之須朝廷旋返送還臺桓溫為征討大都督師次伊水大敗姚襄襄奔平陽溫屯故大極殿前徙入金牖城謁先帝諸陵皆繕復之兼置陵令

劉毅初為青州刺史桓弘中兵參軍丁憂在家及義旗初興遂墨經從事桓玄平以義為撫軍將軍軍役漸寧上表乞還京口以終喪禮曰弘道為國者理盡於仁孝訴窮歸天者莫甚於喪親但臣凡庸本無感染不能隕越故其宜爾往年國難滔天故志端愚忠醜然苟存去春銜駕迴轅而狂狡未滅雖姦凶時梟餘燼竄伏懷威寡方文武勞弊微情未申願景悲憤今皇威遐肅海內清蕩臣窮毒艱穢亦已具於聖聽兼羸患滋甚衆疾互動如今寢頓無復人理臣之情也本不甘生語其事也亦可以浸乞賜餘骸終其丘墳庶幾忠孝之道獲宥於聖世不許

梁張興世為雍州刺史左將衛軍興世父仲子由興世致位給事中興世欲將往襄陽愛鄉里不肯去常謂興世曰我雖田舍老翁樂聞鼓角汝可送一部行田時欲吹之興世素恭謹畏法譬之曰此是天子鼓角非田舍所吹

北齊王琳初士後梁為州刺史梁元帝為魏圍逼乃徵琳赴援除湘州刺史琳師次長沙知魏平江陵已立梁王詈乃為梁元

帝與袁三軍縞素

高季式東魏武定中除侍中尋加冀州大中正特文襄先為此任啟以廵授為都督

隋周羅暉初為陳散騎常侍隋師南伐督巴峽綠江諸軍事以拒隋師遇丹陽陷陳主被擒上江猶不下晉王遣陳主手書命之羅暉與諸將大泣三日然後降其年秋拜儀同三司鼓吹羽儀送之于宅後陳主卒羅暉請一臨哭帝許之縗經送至墓所塋還釋服而後入朝帝甚嘉尚世論稱其有禮

高領為左領軍大將軍開皇二年長孫覽元景山等伐陳令顓節度諸軍會陳宣帝薨顓以札不伐喪奏請班師

唐侯君集討高昌師至柳谷候騎言麴文泰死尅日將塋國人咸集以輕騎襲之可有大利亞將姜行本等咸以為然君集曰不可天子以高昌怠慢使吾恭行天誅乃於壙墓之間以襲其塋非問罪之師也

李光為河南節度與馬燧等圍田悅於魏州悅將符璘以精騎五百夜降光開營以納之明日歸璘於招討使

李晟為中書令西平郡王妻卒詔以晟子愿依前為太子賓客前衛尉少卿怱立夫為詔王傳居喪既大祥而除官晟以二子未禫訪於諸相趙退翁陸贄謂曰故事有大祥服闋授官者終禫而後朝請晟奏行之

李自良為河東軍都將從節度使馬燧入朝燧罷兵權德宗欲以自良代燧自良懇辭事燧久不欲代為軍帥物議多之

田府元龜
李愬為唐鄧節度使初平蔡州裴度先遣宣慰副使馬總入蔡
州安諭軍明日度建章義軍節擁降卒萬餘人次入烏愬具橐
鞬候度馬首度將避之愬曰淮西阻命五十年一方之人不識
上下等威之分久矣請公因以示之度以宰相禮愬迎謁衆皆
聳觀
王鏐拜兵部郡尚書充淮南節度副大使時節度使杜祐屢請
代鏐始見佑以趨拜悅佑退坐司馬廳事數日詔追佑以鏐代
之曹華為義成軍節度使華雖出自戎行而動必中禮尤重士
大夫未嘗以富貴驕人

柳公綽為山南東道節度使牛僧孺罷相鎮江夏公綽具戎容
於郵舍候之軍吏白以漢上地高於鄂札大過公綽曰奇章終
離台席方鎮重宰相是尊朝廷也竟以戎容見
梁謝彥章官至許州節度使將略之外好優禮儒士與晉人對
軍於河上常褰衣博帶動皆由禮或臨敵御衆則肅然有上將
之威

劉鄩初為青州王師範行軍司馬昭宗幸鳳翔大祖率西鎮之
師奉迎於岐山師範乘虛襲取大祖管內州郡令鄩以偏師陷
兗州大祖命大將葛從周攻之師範兵力漸窘從周以禍福諭
鄩俾之車面鄩報曰候青州本使歸降即以城池還納師範告
降從州即出城聽命鄩既降從周具行裝服馬請鄩歸大祖鄩
曰未授梁王捨釋之旨乘肥衣裘非敢聞命即素服跨驢而發
及將謁見大祖令賜官帶鄩曰累囚負罪請就繫而入大祖不

許及見慰撫移時且飲之酒郭以量小告大祖曰取克州量何
大耶郭授元從都押牙

後唐馬全節始為鄴都留守以元城是桑梓之邑具白欄詣縣
庭謁拜縣令沈邁二逡巡避之不敢當禮全節曰父母之鄉自
合致敬勿讓之也州里咸以為榮

晉史翰為義成軍節度使性剛毅有沉謀御軍嚴整而推恩信
於士伍接下以禮與部曲語未嘗不稱名

周英為成德軍節度使性沉厚謙恭有禮雖旌金之際接對賓
客亦未嘗造次將帥之中知者鮮矣

新刊監本冊府元龜卷第三百八十八

新刊監本冊府元龜卷第三百八十九

將帥部五十

請行

傳曰軍旅不辭難蓋食焉無避賢者之節乘時奮庸壯夫攸尚
天漢以來義勇之士或內司戎政或外為邦翰值戎夷之不諛
因姦究之肆慝朝議致討是先擇師及其詢衆挺然請行精忠
感發稜威抗邁鷹揚虎怒霆擊焱厲賈輿師之勇增啟行之氣
固足以讜言不軌而摧猛敵激雄圖而揚茂烈扶義以往何征不
克斯良將之英槩人臣之令範者歟

漢樊噲為上將軍孝惠時單于嘗為書嫚吕太后太后怒召諸
將議之噲曰臣願得十萬衆橫行匈奴中

李廣為郎中令元狩四年大將軍衛青大擊匈奴廣數自請行
帝以老不許良久乃許之以為前將軍

韓千秋邾人武帝時為齊北相會南粵王及大王后欲附漢獨
其相呂嘉為亂帝使莊參以二千人往參曰以好往數人足矣
以武往二千人亡以為也辭不可天子罷參兵千秋奮曰以
區區粵又有王應獨相嘉為害願得勇士三百人必斬嘉以報
於是天子遣千秋與王太后第摎樂將二千人往

揚僕為樓船將軍元鼎五年擊南粵閩粵持兩端及漢破番禺
僕上書願請引兵擊東粵帝以士卒勞倦不許罷兵令諸校留
屯預章梅領待命聽詔命也

李陵為騎都尉屯張掖天漢二年二師出酒泉擊右賢王於天

山召陵欲使為二師將輜重陵召見武臺武帝殿叩頭自請

曰臣所將屯邊者皆荆楚勇士奇材劍客也力扼虎髀命中願
得自當一隊到蘭干出南以分單于兵毋令專經二師軍帝曰
將惡相屬邪吾發軍多毋騎子女陵對無所事騎猶言不事臣

願以少擊衆步卒五千人涉單于庭帝壯而許之

趙充國為後將軍神爵元年先零諸羌背叛充國年七十餘帝

老之使御史大夫丙吉問誰可將者充國對曰亡踰老臣者帝

遣問焉曰將軍度羌虜何如當用幾人度計也充國曰百聞不如

一見兵難踰度踰遙也三臣願馳至金城圖上方略圖其地形

方畧俱奏上也然羌戎小夷逆天背畔滅亡不久願陛下以屬老臣勿

以為憂帝曰諾

冊府元龜
後漢賈復為執金吾建武二年更始郾王尹尊及諸大將在南
方未降者尚多帝召諸將議兵事未有言沉吟久之乃以檄叩
地曰郾最疆寇為次誰當擊之復率然對曰臣請擊郾帝笑曰
執金吾擊郾吾復何憂

張宗為偏將軍從鄧禹西征禹軍到郾邑赤眉大衆且至禹以
郾邑不足守欲引師進就堅城而衆人多畏賊追憚為後拒禹
乃書諸將名於竹簡署其前後亂者笞中令各探之宗獨不肯
探曰死生有命張宗豈辭難就逸手禹歎息謂曰將軍有親弱
在營柰何不顧宗曰予聞一卒畢力百人不當萬夫致死可以
橫行宗今擁兵數千以承大威何遽其必敗乎遂留為後拒
陳俊為琅琊太守行大將軍事數上書自請願奮擊隴蜀詔報
曰陳州新平大將軍之功也負海猾夏盜賊之處國家以為重
憂且勉鎮撫之

耿弇為建威大將軍從幸春陵因見自請壯收上谷兵未發者
定彭寵於漁陽取張豐於涿郡還收富平獲索東攻張步以平
齊地帝壯其意乃許之

馬援為虎賁中郎將建武二十年擊交趾徵還謂平陵人孟異
曰方今匈奴烏桓尚擾北邊欲自請擊之男兒要當死於邊野
以馬革裹屍還葬爾何能卧林上在兒女子手中邪月餘會匈
奴烏桓寇扶風援以三輔侵擾園陵危逼因請行許之自九月
至京師十二月復出屯襄國詔百官祖道二十四年武威將軍
劉尚擊武陵五溪蠻夷深入軍沒援因復請行時年六十二帝

以其老未許之援自請曰臣尚能被甲上馬帝令試之援據鞍顧眄以示可用帝笑曰矍鑠哉是翁也矍鑠東觀記作矍是翁遂遣援率中郎將馬武耿舒劉康孫永等將十二郡募士及施刑四萬餘人征五溪

班超為軍司馬建初三年超率疏勒康居於寘拘彌兵一萬人攻姑墨石城破之斬首七百級超欲因此匡平諸國乃上疏請兵曰臣竊見先帝欲開西域故北擊匈奴西使外國鄯善于寘即時向化今拘彌莎車疏勒月氏烏孫康居復願歸附欲共力破滅龜茲平通漢道若得龜茲則西域未服者百分之一爾臣伏自惟念卒伍小吏實願從谷吉效命絕域庶幾張騫棄身曠野昔魏絳列國大夫尚能和輯諸戎况臣奉大漢之威而無鈔

力一割之用手前議皆曰取三十六國號為斷匈奴右臂今西域諸國自日之所入莫不向化大小欣欣貢奉不絕唯烏耆龜茲獨未服從臣前與官屬三十六人奉使絕域備遭難以自孤守疏勒於今五載胡夷情狀臣頗識之間其城郭小大皆言倚漢與依天等以是效之則葱嶺可通葱嶺通則龜茲可伐今宜拜龜茲侍子曰霸為其國王以步騎數百送之與諸國連兵歲月之間龜茲可禽以夷狄攻夷狄計之善者也臣見莎車疏勒田地肥廣草牧饒衍不比鄯煌鄯善明也兵不可費中國而糧食自足且姑墨溫宿二王特為龜茲所置既非其種更相厭苦其勢必有降反若二國未降則龜茲自破願下臣章參考行事誠有萬分死復何恨臣超區區特蒙神靈竊冀未便僵仆目見

西域平定陛下舉萬年之觴薦勲祖廟布大喜於天下書奏知其功可成議欲給兵平陵人徐幹素與超同志上疏願奮身佐超五年遂以幹為假司馬將弛行及義從千人就超

耿秉為執金吾章和二年北虜大亂南單于上言願發國中及諸部故明新降精兵因聖威神一舉平定太后以示秉秉上言昔武帝單極天下欲臣虜匈奴未遇天時事遂無成宣帝之世會呼韓來降故邊人獲安中外為一生人休息六十餘年及王莽篡位變更其號耗擾不止單于乃畔先武受命復懷納之緣邊壤郡得以還復烏桓鮮卑咸脅歸義威鎮四夷其效如此今幸遭天授北虜分爭以夷而伐夷國家之利宜可聽許秉因自陳受恩分當出命效用太后從之

竇憲為侍中和帝初都鄉侯暢來弔國憂憲遣刺客殺暢事發覺懼誅自求擊匈奴以贖死會南單于請兵北伐乃拜憲車騎將軍以執金吾耿秉為副發北軍五校黎陽雍營緣邊十二都騎士及羗胡兵出塞

馬融為武都太守時西羗叛征西將軍馬賢與護羗校尉胡疇征之而稽久不進融知其將敗上疏乞自效曰今雜種諸羗輔相鈔盜宜及其未堅遣深入破其支黨而馬賢等處處留滯羗胡百里望塵千里聽聲今逃避匿回漏出其後則必侵寇三輔為民大害臣願請賢所不可用關東兵五千裁假部隊之號盡力率厲理根行首以先吏士二旬之中必克破之臣少習學藝不更武職猥陳此言必受誣用之辜昔毛遂廝養為衆所出終

附元龜
以一言克定從要臣懼賢等專守一城言攻於西而羗出於東且其將事必有高克潰叛之變朝廷不能用

皇甫規為大山太守延熹四年秋叛羗零吾等與先零別種寇鈔關中護羗校尉段紀明坐徵後先零諸種陸梁覆沒營烏規素悉羗事志自奮效乃上疏曰自臣受任志竭愚鈍實賴兗州刺史牽穎之清猛中郎將宗資之信義得承節度幸無咎譽今猾賊滅大山略平復聞郡羗並皆反逆臣生長邠岐年五十有九昔為郡吏再更叛羗豫籌其事有誤中之言臣素有固疾恐犬馬齒窮不報大恩願乞冗官備單車一介之使勞來三輔宣國威澤以所習地形兵勢佐助諸軍臣窮居孤危之中坐觀郡將已數十年矣自烏鼠至於東岱其病一也力求猛敵不如清平勤明吳孫未若奉法前變未遠臣誠戚之是以越職盡其區區至冬羗遂大合朝廷為憂三公舉規為中郎將持節監關西兵討零吾等破之降者十餘萬人

魏于禁為平虜將軍時大祖初征袁紹紹兵盛禁願為先登大祖壯之乃選步騎二千人使禁將守延津以拒紹

蜀李恢為別駕從事帝武元年康降都督鄧方卒先主問恢誰可代者恢對曰人之才能各有長短故孔子曰其使人也器之且夫明主在上則臣在下盡情是以西零之役趙克國曰莫若老臣臣竊不自量惟陛下察之先主笑曰孤之本意亦以在卿矣遂以恢為康降都督使持節領交州刺史住平夷縣

張嶷為盪寇將軍魏狄道長李簡密書請降衛將軍姜維率嶷

等因簡之資以出隴西嶷初自越雋初至成都風濕固疾扶杖
然後能起衆議狐疑嶷曰必從姜維之出時論以嶷初還股疾
不能在行中由是疑自乞四力中原致身敵庭臨發辭後主曰
臣當值聖明受恩過量加以疾病在身常恐一朝隕沒辜負榮
遇天不違願得預戎事若涼州克定臣為藩表守將若有未捷
殺身以報後主慨然為之流涕既到狄道與魏將徐質交鋒嶷
臨陣隕身

吳周瑜為中護軍時曹公入荊州劉琮舉衆降曹公得其水軍
船步兵數十萬將士聞之皆恐權延見群下問以計策議者咸
曰曹公豺虎也然託明漢相挾天子以征四方動以朝廷為辭
今日拒之事更不順且將軍大勢可以拒操者長江也今操得
荊州掩有其地劉表治水軍蒙衝鬪艦乃以千數操悉俘以泐
江兼有步兵水陸俱下長江之險已與我共之矣而勢力衆寡
又不可論愚謂大計不如迎之瑜曰不然操雖托名漢相其實
漢賊也將軍以神武雄才兼扶父兄之烈割據江東地方數千
里兵精足用英雄樂業尚當橫行天下為漢家除殘去穢况操
自送死而可迎之邪請為將軍籌之今使壯士已安操無內憂
能曠日持久未爭疆場又能與我較勝負於船楫可乎今壯士
既未平安加以馬超韓遂尚在關西為操後患且舍鞍馬杖舟
楫與吳鉞爭衡本非中國所長又今盛寒馬無藁草驅中國士
衆遠涉江湖之間不習水土必生疾病此數四者用兵之患也
操皆冒行之將軍擒操宜在今日瑜請得精兵三萬人進住夏

口保為將軍破之權曰老賊欲廢漢自立久矣徒忘二袁呂布
劉表與孤爾今數雄已滅孤尚存孤與老賊勢不兩立君言當
擊甚與孤合此天以君授孤也遂破曹公于赤壁後瑜屯據江
陵是時劉璋為益州牧外有張魯寇侵瑜乃詣京見權曰今曹
操新折衄方憂在腹心未能與將軍連兵相爭也乞與奮威但
進取蜀得而并張曹因留奮威固守其地好與馬超結援瑜還
與將軍據襄陽以蹙操北方可圖也權許之瑜還江陵為行裝
而道於巴兵病卒

晉馬隆為司馬督會涼州刺史楊欣為虜所沒河西斷絕武帝
每有西顧之憂臨朝而歎曰誰能為我討北虜通涼州者乎朝
臣莫對隆進曰陛下若能任臣臣能平之帝曰必能滅賊何為
不任顧卿方略何如爾隆曰陛下若能任臣當聽臣自任帝曰
云何隆曰臣請募勇士三千人無問所從率之鼓行而西稟陛
下威德虜何足滅哉帝許之乃以隆為武威太守公卿僉曰
六軍既衆州郡兵多但當用之不宜橫設賞募以亂帝典隆小
將妄說不可從也帝弗納隆募限要引弩三十六鈞弓四鈞立
標簡試自且至中得三千五百人隆曰足矣因請自至武庫選
杖武庫令與隆忿爭御史中丞奏勅隆隆曰臣當忘命戰場以
報所受武庫令乃以魏時朽杖見給不可復用非陛下使臣滅
虜意也帝從之又給其三年軍資隆於是西渡溫水虜樹機等
以衆萬計或乘險以遏隆前或設伏以截隆後隆依八陣圖作
偏箱車地廣則鹿角車營路狹則為木屋施於車上且戰且前

了矢所及應弦而倒竒謀聞發出敵不意或夾道累礮石賊負
鐵鎧行不得前隆卒悉被犀甲無所留礙咸以為神戰千里殺
傷以千數自隆之西音問斷絕朝廷憂之或謂已沒後隆使夜
到撫掌歡笑詰朝召群臣謂曰若從諸卿言是無秦京也乃詔
曰隆以偏師寡衆奮不顧難冒險能濟其假節宣威將軍加赤
幢曲蓋鼓吹隆到武威虜大王摔跋韓且萬能等率萬餘落歸
降前後誅殺及降附者以萬計又率善戎沒骨能等與樹機能
大戰斬之京州遂定

杜預為都督荊州諸軍事至鎮處分既定乃啟請伐吳之期武
帝特報明年方欲大舉預表陳至計曰自閏月以來賊但勅嚴
下無兵上以理勢推之賊之窮計力不兩完必先認上流勅保
夏口已東以延規息無緣多兵西上空其國都而陛下過聽便
用委棄大計縱敵患生此誠國之遠圖使舉而有敗勿舉可也
事為之制務從完策若或有成則開太平之基不成不過費損
日月之間何惜而不一試之若當須後年天時人事不得如常
臣恐其更難也陛下宿議分命臣等隨界分進其所待東西同
符萬安之舉未有傾敗之慮臣心實不敢以曖昧之見自取後
累惟陛下察之預旬月之中又上表曰羊枯與朝臣多不同不
先博盡而密與陛下共施此計故益令多異凡事多以利害相
校今此舉十有八九利其一二止於無功爾其言破敗之刑亦
不可得直是計不出已功不在身各耻其前言故守之也自頃
朝廷事無大小異意鋒起雖人心不同亦由恃恩不慮後難故

輕相同異也昔漢宣帝議趙充國所上事效之後詰責諸議者皆叩頭而謝以塞異端也自秋以來討賊之刑頗露若今中止孫皓怖而生計或徙都武昌更完脩江南諸城遠其居人城不可攻野無所掠積大船於夏呂則明年之計或無所及時帝與中書令張華圍棋而預表適至華推枰歛手曰陛下聖明神武朝野清晏國富兵強號令如一吳主荒淫驕霍誅殺賢能當今討之可不勞如定帝乃許之

王濬在益州朝議咸諫伐吳濬乃上疏曰臣數參訪吳楚同異孫皓荒淫凶逆荆揚賢愚無不嗟怨且觀時運宜速征伐若今不伐天變難預令皓卒死更立賢主文武各得其所則強敵也臣作船七年日有朽敗今臣年七十死亡無日三者一乖則難圖也臣願陛下無失事機武帝深納焉賈充荀勗陳諫以為不可唯張華固勸又杜預表請帝乃發詔分命諸方節度濬於是統兵

相逖元帝為琅邪王時為軍諮祭酒時帝拓定江南未遑北伐相逖進說曰晉室之亂非上無道而下怨叛也由藩王爭權自相誅滅遂使戎狄乘隙毒流中原今遺黎既被殘酷人有奮擊之志大王誠能發威命將使若逖等為之統主則郡國豪傑必因風嚮赴沉溺之士欣於來蘇庶幾國耻可雪願大王圖之帝乃以逖為奮威將軍豫州刺史給千人廩布三千匹不給鎧仗使自招募仍將本流徒部曲百餘渡江

毛寶為廬江太守蘇峻作逆相約遣相煥桓撫等欲襲溢侃將

田府元龜
自擊之寶曰義軍恃公公不可動寶請討之侃顧謂坐客曰此
年少言可用也乃使寶行

庾亮鎮武昌時石勒新死亮有開復中原之謀乃解豫州授輔
國將軍毛寶使與西陽太守樊峻精兵一萬但戍邾城又以陶
稱為南國郎將江夏相率部曲五千人入沔中亮弟翼為南蠻
校尉南郡太守鎮江陵以武昌太守陳叢為輔國將軍梁州刺
史趣子午又遣偏軍伐蜀至江陽執偽荊州刺史李闓巴郡太
守黃植送于京都亮當率大衆十萬據石頭城為諸將聲援乃
上疏曰蜀胡二寇凶靈滋甚內相諸鋤衆叛親離蜀甚弱而胡
尚強雖並佃守脩進取之備襄陽北接宛許南阻漢水其險足
固其土足食臣宜移鎮襄陽之石城下並遣諸將布江沔比及

數年戎事習練乘釁齊進以臨河大勢一舉衆知存亡開反善
之路宥逼脅之罪因天時順人情誅逋逆靈大耻實聖之所先
務也願陛下許其所陳濟其此舉淮泗壽陽所宜進據臣輒簡
練部分乞規棘參議以定經略帝下其議時王導與亮意同郗
鑒議以資用未備不可大舉亮又上疏便欲遷鎮寇陷邾城毛
寶赴水而死亮陳謝自貶三等行安西將軍有詔復位

桓冲為車騎將軍都督豫江二州之六郡軍事自京口還鎮姑
熟既而符堅寇涼州冲遣宣城內史朱序豫州刺史桓伊率衆
向壽陽淮南太守劉波沉舟淮泗乘虛致討以救涼州乃表曰
氐賊自并東胡醜類寔繁而蜀漢寡弱西涼無備斯誠暴興疾
顛祗速其亡然而天未剝絕屢為國患臣聞勝於無形功立事

表伐謀之道兵之上略况此賊陸梁終必越逸北狄陵縱常在
秋冬今日月迅邁高風行起臣輒較量畿甸守衛重種又淮泗
通流長江如海荆楚偏遠容邇寇讎方城漢水無天險之實而
過備之重勢在西門臣雖凡庸職乏武略然猥荷重任思在投
袂請率所統徑進南郡與征西將軍臣豁參同謀猷賊若果軀
犬羊送死沔漢庶仰憑正順因致人利一舉乘風掃清氛穢不
復重勞王師有事三秦則先帝盛業永隆於聖世宣武遺志無
恨於在昔如其懾憚皇威闕闕計屈則觀兵伺釁更議進取振
旅旋師遲速唯宜伏願陛下覽臣所陳特垂聽許詔答曰醜類
違天比年縱肆梁益不守河西傾喪每惟宇內未一憤歎盈懷
將軍經略深長思筭重復忠國之誠形於義旨覽省未周以感
以慨寇雖乘竊利而以無道臨之黷武窮兇嘗用其衆滅亡之
期勢何得久然備豫不虞軍之善政輒詢于群后敢從高等想
與征西協參令圖嘉謀遠猷動靜以聞會張天錫陷沒於是罷
兵

宋宗慤南陽人隨江夏王義恭鎮廣陵元嘉二十二年伐林邑
慤自奮請行江夏王義恭舉慤有膽勇乃除震武將軍為安西
參軍蕭景憲軍副隨交州刺史檀和之圍區粟城林邑遣將救
區粟和之遣慤慤乃進討破之遂剋林邑後為豫州刺史監五
州軍事大明三年竟陵王誕據廣陵反慤表求赴討乘驛詣都
面受節度帝停輿慰免慤聳躍數十左右顧盼帝壯之乃行隸
車騎大將軍沈慶之初誕誑其衆云宗慤助我及慤至躍馬繞

城呼我宗慤也事平入為左衛將軍

孟係祖為殿中將軍大明二年後魏侵青冀世祖遣軍援之係祖自占求行

王玄謨元嘉中補長沙王義欣鎮兵中兵將軍領汝陰大守時虜攻陷滑臺執朱修之以歸玄謨上疏曰王途始開隨復淪塞非惟天時抑亦人事虎牢滑臺豈惟將之不良抑亦本之不固皆由民憚遠役臣請以西陽之魯陽襄陽之南鄉發甲卒分為兩道直趣滑澠征士無遠徭之患吏士有屢休之歌若欲以東國之衆經營牢洛道途既遠獨克實難立謨陳說使侵之策文帝謂殷景仁曰聞王立謨陳說使人有封狼居意

吳喜為殿中侍御史太宗初即位時四方反叛東兵尤急喜請得精兵三百致死於東帝大悅即假建將軍簡羽林勇士配之議者以喜刀筆不當為將不可遣中書舍人巢尚之曰喜昔隨沈慶之屢經軍旅性既勇決又習戰陣若能任之必有成績諸人紛口皆是不別才爾

南齊劉善明為宋輔國將軍西海大守行青冀二州刺史至鎮表請北伐朝議不同

後魏晁暉為濟州刺史假寧東將軍潁州公宋平東郡徙戍邊境暉上表求擊之文武不許暉乃為書以大義責之

刁雍孝文泰常中為鎮東將軍助叔孫建攻青州是時攻東陽平其北城三十許步宋青州刺史竺夔於城內鑿池道南下入澠澗以為退路雍謂建曰此城已平宜時入取不者走盡建懼

傷兵士艱之雍曰若懼傷官兵者雍今請將義兵先入建不聽
夔欲東走會宋遣其將檀道濟等救青州雍謂建曰賊畏官兵
突騎以鑠連車為函陣大峴已南處處猛狹不得方軌雍求將
義兵五千要險破之建不聽曰兵人不宜水土疫病過半若相
持不休兵自死盡何須復戰今不損大軍安全而返計之上也
建乃引還雍遂鎮尹卯固

常珍孝文時為北陽鎮將軍駕南討珍上便宜并自陳在邊歲
反悉其要害頌為前驅詔珍為隴西公源懷衛大將軍府長史
高聰為太府少卿兼太子左率聰以將用自許孝文銳意南討
專訪王肅以軍事聰托肅頌以偏裨自效肅言之於孝文故假
聰輔國將軍統兵二千與劉藻傳永成道益任莫問俱受肅節
度同援渦陽

董紹為右將軍洛州刺史蕭寶寅之反於長安也紹上書求擊
之云臣當出瞎巴三千生敢蜀子孝文謂黃門徐紇曰此巴真
瞎乎紇曰若此是紹之壯辭云巴人勁勇見敵無所畏懼非實
瞎也帝大笑勅紹速行

任城王澄于嵩宣武初為平陽將軍荊州刺史嵩表曰蕭寶卷
骨肉相殘忠良先戮臣下囂然漠不離背君臣攜貳干戈日尋
流聞寶卷雍州刺史蕭衍兄懿於建業阻兵與寶卷相持荆郢
二州刺史並是寶卷之兵必有圍行之志臣若連書相聞迎其
本謀冀獲同心并力除平衍之後必旋師赴救丹陽當不能侵
經營疆陸全固襄沔臣之軍威已得臨據則沔南之地可一舉

而收緣漢耀兵示以威德思歸有道者則引而納之受疑告危者則援而接之總兵竄銳觀釁伺隙若其零落之形已彰解怠之勢已著便可順流推鋒長驅席卷詔曰所陳嘉謀深是良計如當機形可進任將軍裁之既而梁武尋克建業乃止

中山王英宣武即位行徐州南齊遣將陳伯之寇淮土詔英為鎮南將軍率衆討之英未至賊已退詔英行揚州英還京師上表曰臣聞取亂侮亡有國之常道陳師鞠旅因機而致發竊以區區寶卷罔顧天常憑恃山河敢抗中國今妖逆數亡驕縱日甚威侮五行怠棄三正淫刑以逞害無辜其雍州刺史蕭衍東伐秣陵掃土興兵順流而下唯有孤城更無重衛此則皇天授我之日曠載一逢之秋事易走九理同拾芥此而不乘將欲

何待臣乞躬率步騎二萬直指沔陰據襄陽之城斷墨水之路昏雲君臣自相魚肉戎居上流威鎮遐邇長驅南出進挾江陵其路既近不盈五百則三楚之地一朝可取岷蜀之道自成斷絕文命楊徐二州聲言俱舉緣江楚毀靡使有遺建業窮蹙魚遊釜中士治之師再興孫皓之縛重至齊文軌而大同混天下而為一伏惟陛下暫闕旒纒少垂聽覽獨決聖心無取疑議此期脫爽并吞無日事寢不報英又奏曰臣聞乘虛討弱事在速舉因危攻昧徼捷可期今寶卷亂常骨肉相賊藩戍鼎立莫知所歸義陽孤絕密邇天境外靡糧援之期內無兵儲之固此乃臨焚之鳥不可去薪授首之寇何容援斧若此行有果則取江右之地為經略之基如脫否也非直後舉難圖亦或居安生疾

今豫州刺史司馬悅已戒嚴垂邁而東豫州刺史田益宗方擬守三關請遣軍司為之節度

尉多侯少有武幹獻文時為假節征西將軍領獲羗戎校尉燉煌鎮上表求率輕騎五千西入於闐蕪平諸國因敵取資平定為效弗許後又上疏求北取伊吾斷蠕蠕通西域之路孝文善其計以東作方輿難之

賀收勝孝明正光未從其父度校鎮武川為賊所陷南投泗州為爾朱榮所得遂委質事榮時杜洛周阻兵幽定葛榮據有冀瀛榮謂勝曰井陘險要戒之東門意欲屈君鎮之未知君意何如勝曰少逢兵亂險阻備常每思効力以報知己今蒙驅策實所願也榮乃表勝為鎮遠將軍領步騎五千鎮井陘後從榮入

洛以定策立孝莊帝功累遷撫軍元顥入洛陽孝莊出居河內榮徵勝為前鋒與爾朱兆大破顥軍遂前驅入洛拜武衛

李苗為冠軍將軍西南道慰勞大使未發會殺爾朱榮榮從弟世隆擁榮部曲屯據河南橋遷逼都邑孝莊親幸大夏門集群臣博議百僚怯懼計無所出苗獨奮衣而起曰今小賊唐突如此朝廷有不測之危正是忠臣烈士效節之日臣雖不武竊所庶幾請以一旅之衆為陛下徑斷河梁城陽王徽中尉高道穆讚成其計莊帝許焉苗乃募人與馬詣上流以舟師夜下去橋數里便放火船河流既駛儵忽而至賊於南岸望見火下相感爭橋俄然橋絕沒水死者甚多苗身率士卒有許人泊於水渚以待南援既而官軍不至賊乃涉水與苗死鬪衆寡不敵左右

死盡苗浮河而沒

北齊潘樂有膽畧神武出牧晉州引為鎮城都將後破周師於河陰議欲追之令追者在西不願者東唯樂與劉豐居西神武善之以衆之不行而止

段韶為冢宰平原郡王後周宇文護遣尉遲迴等襲洛陽詔遣蘭陵王長恭大將軍斛律光率衆擊之軍於邙山之下逗番未進文宣召謂曰今欲遣王赴洛陽之圍但突厥在北復須鎮禦王謂如何韶曰北虜侵邊事等疥癬今西羗闕逼便是膏肓之病請奉詔南行武成曰朕意亦尔仍令韶督精騎一千發自晉陽五日便濟河與大將共量進止

後周陸騰為武衛將軍既為大祖所知頌立功效不求內職大

祖嘉之

帝孝寬沉敏和正涉獵經史弱冠屬蕭寶寅作亂閔右乃詣闕請為軍前驅朝廷喜之即拜統軍隨馮翊公長孫承業西征每戰有功拜國子博士行華山郡事又孝寬為驃騎大將軍時孝武東伐孝寬自以習練齊人虛實請為先驅帝以王壁要衝非孝寬無以鎮之乃不拜

趙剛為利州總管剛以信州濱江負阻乃表請討之詔剛率利沙等十四州兵往經略焉仍加授渠州刺史剛初至渠帥憚其軍威相次降款

隋高穎為高祖相府司錄尉迴之起兵也遣子惇率步騎八萬進屯武陟高祖令帝孝寬擊之軍至河陽莫敢先進高以諸

將不一令崔仲方監之仲方辭父在山東時穎又見劉昉鄭譚並無去意遂自請行深合帝旨遂遣穎焉

常冲初仕後周為上儀同時稽違屢為寇亂冲自請安集之因拜汾州刺史

郭行初仕後周為車騎大將軍建德中武帝出幸雲陽行朝於行所時議欲伐齊行請為前鋒攻河陰城授儀同大將軍

皇甫績開皇中為晉州刺史將之官稽首而言曰臣實庸鄙無益於國每思犯難以報國恩今偽陳尚存以臣度之有三可滅帝問其故績答曰大吞小一也以有道伐無道二也納叛臣蕭巖於我有詞三也陛下若命鷹揚之將臣請預戎行展絲髮之效帝嘉其壯志勞而遣之

楊素開皇中為御史大夫時帝方圖江表先是素數進取陳之計未幾拜信州總管後為內史令討江賊李稜等帝以素久勞於外詔令馳傳入朝素以餘賊未殄恐為後患又自請行乃下詔曰朕憂勞百姓日旰忘食一物失所情深納隍江外狂狡妄構妖逆雖經殄戮民未安堵猶有賊首凶魁逃亡山洞恐其聚結重擾蒼生內史令素識達古今經謀長遠比曾推轂舊著威名宜任以大兵總為元帥宣布朝風振揚威武擒剪叛亡慰勞黎庶軍民事務一以委之

吐萬緒為東平太守煬帝遼東之役請為先鋒帝嘉之拜左屯衛大將軍率馬步數萬指蓋馬道及班師留鎮懷遠

唐羅士信為新安道行軍總管武德五年從太宗擊劉闡洛水

以城來降王君廓鎮之為賊所攻君廓知其不可守潰圖而出
大宗謂諸將曰誰能代者信士自謂曰願以死守因遣之士信
率輕騎直入城賊攻之甚急遇雨雪大軍不得救數日士人引
賊而上城遂為賊所害

李靖為特進貞觀九年吐谷渾寇邊大宗顧謂侍臣曰得李靖
為帥豈非善也靖乃見房玄齡曰靖雖年老固堪一行太宗大
悅即以靖為西海道行軍大總管統兵部尚書任城王道宗涼
州都督李大亮右衛將軍李道彥利州刺史高甌生等三總管
征之九年軍次伏侯城吐谷渾燒去野草以餒我師退保大非
川諸將咸言春草未生馬已羸瘦不可赴敵唯靖決計而進深
入敵境遂踰積石山前後數十合殺傷甚衆大破其國吐谷渾
衆遂殺其可降來汗靖又立大寧王慕容順而還太宗將伐遼
召靖入閣賜坐御前謂曰公南平吳會北清沙漠西定慕容唯
東有高麗未服公意如何對曰臣往者憑藉天威薄展微效今
殘年朽骨唯擬此行陛下若不棄老臣病其瘳矣太宗愍其羸
老不許

張亮為刑部尚書參預朝政及與高麗之役亮頗諫不納因自
請行乃以亮為滄海道行軍大總管

郭孝恪為安西都護會烏耆王與西突厥通親相為啓齒進貢
稀至孝恪表請擊之太宗許焉以孝恪為州西道行軍總管虜
其王齒龍突騎支而還

婁師得上元初為監察御史屬吐蕃犯塞制募猛士以討之師

德抗表請為猛士高宗大悅特假朝散大夫從軍西討頗有戰功遷殿中侍御史兼河源軍司馬兼知營田事

李晟為神策先鋒都知兵馬事兼魏府左司馬時王武俊攻趙州晟獻狀請解趙州之圍次引兵趨定州與張孝忠合勢欲圍范陽德宗壯之俾禁軍將軍莫仁擢趙光銳杜秀泚皆隸焉晟自魏州引軍而北徑趨趙州武俊聞之解圍而去

柳公綽為鄂岳節度元和九年吳元濟據蔡州叛王師討伐詔公綽以鄂岳兵五千隸安州刺史李聽率赴行營公綽曰朝廷以吾儒生不知兵邪即日上奏願自征行許之

李愬為大子詹事宮宛閑廐使元和十一年冬以討蔡之師又無成功愬乃抗疏自陳乞帥一旅將殄寇孽宰臣李逢吉亦以

愬可用遂拜左散騎常侍兼鄧州刺史充隨唐鄧等節度觀察等使

裴度為門下侍郎平章事元和十二年憲宗與宰臣議兵曰王師伐蔡首尾三年雖捷奏頻來窠巢未殄度支供饋其何以濟李逢吉崔群王涯各有奏對多言罷兵為便唯裴度不言利害奏曰臣請身自行營督戰明日延英復對宰臣俱退帝獨止度謂之曰卿必能為朕行乎度頓首流涕而奏曰臣誓不與此賊俱全帝亦為之感動度奏曰賊以力困但以群帥不一故未降爾帝深嘉之遂欲加度招討使奏曰韓弘已為都統臣不欲受招討之名但奉使即得乃下詔以度為彰義軍節度蔡申光觀察等使仍充淮西行營宣慰處置使

史敬奉靈武人少事本軍為衙將元和十四年西戎頰歲犯邊敬奉白節度使杜叔良請兵三千人備一月糧深入蕃界叔良以二千五百人授之敬奉既行十餘日人莫知其所尚皆謂吐蕃盡殺之矣乃由佗道深入突出蕃衆之後戎人驚潰敬奉率衆大破之殺戮不可勝紀

李遜為忠武軍節度使長慶元年秋幽鎮維亂遜首請身先討賊不許但命以兵一萬會于行營遜奉詔即日發兵故先諸軍而至由是進位檢校吏部尚書

李載義為幽州盧龍等軍節度觀察等使李同捷據滄景以要襲父爵載義上表請討同捷以自効帝嘉其誠懇特加檢校右僕射累破賊軍以功加司空

王智興為武寧軍節度使大和初李同捷據滄德叛智興上章請躬督士卒討賊從之乃出全師三萬自備五月糧餉朝廷嘉之

高瑀為忠武軍節度使大和六年二月瑀奏請出全軍討滄州劉從諫為昭義軍節度使大和二年五月從諫奏請出全軍討鎮州

楊元卿鎮河陽大和三年七月元卿請奏自領全軍赴魏博即日發赴行營

梁尹皓為夾馬指揮使開平元年令於山北捉生時并寇屢擾邊州大祖欲擒俘以挫其勢皓有出應詔遂獎而遣焉後唐張全義在梁為天下副元帥時末帝季年趙張用事以段

疑為北招討使驟居諸將之右全義知其不可遣使啓帝曰老臣受先朝顧重蒙陛下委以副元帥之名臣雖遲暮尚可董軍請付北面兵柄庶分宵旰疑晚進德未伏人恐人情不和敗亂國政不聽

安重誨為樞密使長興二年伐蜀明宗以蜀路險阻進兵艱難潼關已西物價甚賤百姓輓運至利州率一斛不得一斗謂侍臣曰關西勞擾未有成功孰能辨吾事者朕須自行重誨奏曰此臣之責也請行帝許之言訖而辭翌日而行

劉燧疑為隍州刺史長興四年燧疑至京師帝問所陳密事奏曰臣所部興綏銀二州接境二州漢戶約五千自聞國家攻討夏州皆藏竄山險請除二州刺史各與二三百人為衙隊令其到郡招撫則不戰而下兩州矣帝問左右其言何如范廷光奏曰綏銀戶民朝廷常加撫育緣與部洛雜處其心翻覆多端昨聞安從進初至蘆關蕃酋望風歸附尋加存撫各令放歸及上馬登山未行百步反襲進從騎從七十餘人幾至不濟柰何以刺史牙隊一二百人制彼狡虜適足為虜嗤也况國家之亂正在夏州即平綏銀自然景附如夏州未拔王師自當退舍合以能守綏銀遂疑之說非也遂疑不能對良久又奏曰臣聞李仁福有二子彞超乃次子也長子彞殷為夏州番後彞超徵詔赴闕則諸蕃歸心矣臣請以百騎自入夏州延光心知其不可以遂疑恃內助之恩恐併沮其謀則生怨望乃止翌日帝又謂延光曰遂疑之行可乎延光奏曰王師進取之謀計度已定遂疑請

立彞殷蕪將百騎入夏州事固不可設令虜執吾使一遂疑不足惜所惜朝廷事體也臣等商量不請遂疑輕行乃止
孫鐸為金州刺史清泰二年鐸聞討大原上表請行不允
周薛懷讓初仕後唐為申州刺史清泰二年懷讓乞罷郡赴代軍陳力不允廣順元年為同州節度時方征并寇懷讓上言請行

李筠為相州節度使廣順元年十一月筠上言乞西征詔褒之劉詞為刑州節度廣順元年十二月上言乞西征

唐景思為鄧州行軍司馬受代歸闕顯德初河東劉崇帥衆來寇世宗親總六師以禦之及陣於高平景思於帝馬前距躍數四且曰願賜臣堅甲壹聯以觀臣之效用帝由是知其名因以高平陣所得降卒數千署為效順指揮命景思董之使屯淮上

新刊監本冊府元龜卷第三百八十九

新刊監本冊府元龜卷第三百九十

將帥部 五十一

誓師 警備

誓師

夫戎者國之大事將者人之司命故周官有五戒于軍存乎軍禮兵法有三誓交刃所以致志斯蓋申嚴師律重用民命者也三代而下曷嘗去兵乃有奉辭董衆龔行討伐糾義赴難志勇凶慝飭桓桓之旅厲逐逐之氣躬秉旄鉞職在旗鼓忠果內激稜威旁驚敦陳成列抗詞出令声氣慷慨士衆聳勸誠心瀟發怒氣無備用能摧堅履險而無憚取亂侮亡之必克率和義勇以集匡伐斯蓋經武之大猷治戎之善志也傳曰辭之不可以

已又曰動人以行不以言自非由衷激憤精意感厲亦何以致人之死力乎

夏羲和酒淫廢時亂日

羲氏世掌天地四時之官自唐虞過差至三職不承大康之後沉酒於酒天時

非度廢亂甲乙裔往征之作裔征

裔國之君受王命往征之

奉亂罰惟仲康肇

位四海

羿廢大康而立其弟仲康為天子

裔侯命掌六師

仲康命裔侯掌王六師為大司馬

羲和廢厥職酒荒於厥邑

舍其職官還上私邑以酒迷亂不修其業

后承王命徂征

徂往也就其私邑而討之

告于衆曰嗟予有衆之誓勅

聖有謨訓明徵定保

保安也聖人所謨之教訓為世明徵所以定國安家

先王克謹天戒臣人恪有常憲

言能慎戒

臣奉有常法

百官脩輔厥后惟明明

修職輔君君臣俱明

每歲孟春道人以木

鐸徇于路

道人宣令之官木鐸金鈴木古所以振文教

官師有規工執藝事以諫

衆官更相規闕百工各執其所治技藝以諫諫失常

其或不恭邦有常刑

言百官廢職服大刑惟時

羲和顛覆厥德

顛覆言反覆將陳羲和所犯故先舉孟春之令犯之誅

沉亂于酒畔官離

次

沉謂醉實失次謂也倣擾天紀遐棄厥司

倣始擾亂遠也紀謂時日司所主也

乃季秋月

朔辰弗集于房

辰日月所舍之次不合則日食可知

瞽奏鼓嗇夫馳庶人

走

凡日食天子伐鼓於杜責士公瞽樂官樂官進鼓則伐之嗇夫主幣之官馳取幣禮天神衆人走供牧日食之有役也

羲和尸厥官罔聞知

主其官而無聞知于日食之變異所以罪重

昏迷于天象以干

先王之誅

闇錯天象言昏亂之甚干犯也

政典曰先時者殺無赦

政典夏后為政之典政若

周官六卿之治典先時謂歷象之法四時節氣弘望晦朔先時則罪死無赦矣

不及時者殺無赦

時謂曆象從天時雖有先後之差則無赦况廢官乎

今予以爾有衆奉將天罰

王命行王誅謂殺酒

爾衆士同力王室尚弼予欽承天子威命

以天子威命督火炎崑岡玉石俱焚

山春日岡崑山出王言火逸而害玉天吏逸

月行

德烈于猛火

逸過天王之吏為過惡之德其傷害天下甚於火之害王猛火烈矣又烈于火

殲厥渠魁

脅從罔治

殲滅渠大魁師也指謂義和罪人

舊染汙俗咸與惟

新言其餘人久染汙俗本無惡心皆與更新一無所問

嗚呼

威克厥愛允濟

歎能以威勝所愛則必有

功成愛克厥威允罔功

以愛勝威無以濟眾信無功

其爾眾士懋戒哉

言當勉以用命

戒以

太公望從武王東伐以觀諸侯集否師行師尚父左杖黃

鉞右把白旄以誓曰蒼兕蒼兕總爾眾庶與爾舟楫後至者斬

遂至盟津諸侯不期而會者八百晉趙鞅納衛大子于戚八月

齊人輸范氏粟鄭子姚子船送之

子姚罕達子般駟弘

士吉射送之趙鞅

禦之遇於戚陽虎曰吾車少以兵車之旆與罕駟兵車先陳

駟車也以先駟車益其兵車以示眾

罕駟自後隨而從之既會之簡子誓曰范氏

中行氏反易天命

不喜君也

斬艾百姓欲擅晉國而滅其君寡君恃

鄭而討焉今鄭為不道弃君助臣二二子順天明從君命經德

義除詬耻在此行也克敵者上大夫受縣下大夫受郡

周書作雖篇千

里百縣縣有四郡

士田十萬

十萬畝也

庶人工商遂

得遂進士

人臣肆圉免

去廝役

志父無罪君實圖之

志父趙簡子之一名也言已事濟君當圖其賞

君實有罪絞縊以

免絞所以桐棺三寸不設屬辟

屬辟棺之重數王四棺重君再重大夫

素車撲馬

以載無入于兆

兆壘域

下鄉之罰也

為眾設賞自設罰所以能克敵

甲戌將戰簡

子巡列曰畢萬匹夫也七戰皆獲有馬百乘死於牖下

畢萬晉獻公卿

也皆獲有功死於牖下言得壽終

群子勉之死不在寇

言有命

後漢齊武王伯升既破甄阜軍乃陳兵誓眾焚積聚破釜旣鼓

行而前

吳漢為大司馬率諸將圍蘇茂於廣樂時劉永將周建救廣樂

漢與戰不利墮馬傷膝還營建等逐連兵入城諸將謂漢曰大敵在前而公傷卧衆心懼矣漢乃勃然裹創而起椎牛饗士令軍中曰賊衆雖多皆刼掠群盜勝不相讓敗不相救非有仗節死義者也今日封侯之秋諸君勉之於是軍士激怒人倍其氣建武十二年漢與諸將伐公孫述漢乘利遂自將步騎二萬餘人進逼成都去城十餘里阻江北為營作浮橋使副將劉尚將萬人屯於江南相去二十餘里述使其將謝豐袁吉將衆十許萬分為二十餘營并出攻漢使別將萬人刼劉尚令不得相救漢與大戰一日兵敗走入壁豐因圍之漢乃召諸將厲之曰吾共諸君踰越險阻轉戰千里所在斬獲遂深入敵地至其城下而今與劉尚二處受圍勢既不接其禍難量欲潛師就尚於江南并兵禦之若能同心一力人自為戰大功可立如其不然敗必無餘成敗之機在此一舉諸將皆曰諾於是饗士秣馬閉營三日不出乃多樹幡旗使煙火不絕夜銜枚引兵與劉尚合軍豐等不覺明日乃分兵拒水北自將攻江南漢悉兵迎戰自旦至晡遂大破之

傳俊為積弩將軍禮請郅憚為將兵長史授以軍政憚乃誓衆曰無僂人不備窮人於危不得斷入支體裸人形骸放淫婦女張超為廣陵太守請郡人臧洪為功曹董卓圖危社稷洪說超誅除國賊為天下唱義超然其言與洪西至陳畱見兄邈計事邈使洪詣兗州刺史劉岱豫州刺史孔佃遂皆相善邈既先有謀約會超至定議乃與諸牧守大會酸棗設壇場將盟既而更

相辭讓莫敢先登咸共推洪洪乃攝衣升壇操血而盟曰漢室不幸皇綱失統賊臣董卓乘釁縱害禍加至尊毒流百姓大懼淪喪社稷翦覆四海兗州刺史岱豫州刺史佃陳畱太守邈東郡太守瑁橋謂也廣陵太守超等糾合義兵並赴國難凡我同盟齊心一力以致臣節隕首喪元必無二志有渝此盟俾墜其命無克遺育皇天后土祖宗明靈實皆覽之洪辭氣慷慨聞其言者無不激揚

晉郝覽為大將軍徐州刺史時蘇俊為亂京師陷沒覽聞之流涕設壇場刑白馬大誓三軍曰賊臣祖約蘇峻不恭天命不畏王誅凶戾肆逆干國之紀陵泊五常侮弄神器遂制脅幽王拔本塞源殘害忠良禍曹黎庶使天地神祇靡所依歸是以率土怨酷兆庶泣血咸願奉辭罰罪以除元惡昔戎狄泯周齊桓糾盟董卓陵漢群后致討義存君親古今一也今主上幽危百姓倒懸忠臣志士志存報國凡我同盟既盟之後戮力一心以救社稷若二寇不梟義無偷安有渝此盟明神殛之鑒登壇慷慨三軍爭為用命

前秦王猛為司徒錄尚書事將兵伐慕容暕既陷并州暕遣慕容評率眾四十萬以救之乃陣於渭原猛誓眾曰王景略受國厚恩任兼內外今與諸君深入賊地宜加勉進不可退也願戮力行間以報恩願受爵明君之朝慶觴父母之室不亦美乎眾皆勇奮破釜棄糧大呼競進

梁王僧辨為江州刺史侯景僭通僧辨發自江州直指建業先

是陳霸先率衆五萬出自江南僧辨會於白茅洲登壇盟誓共
讀盟文皆淚下霑襟辭色慷慨

隋衛玄字文昇為刑部尚書煬帝幸遼東玄與代王暉守京師
會楊玄感圍逼東都玄率步騎七萬援之既度亟谷於是遣武
賁即將張峻為疑軍於南道玄以大兵直趨城北玄感逆拒之
且戰且行屯軍金谷於軍中掃地而祭高祖曰刑部尚書京兆
內史臣衛玄敢昭告于高祖文皇帝之靈自皇家啓運三十餘
年武功文德漸被海外楊玄感孤負聖恩躬為地豕蜂飛蟻聚
犯我王略臣三世受恩一心事主董率熊羆志梟凶逆若社稷
靈長宜令醜徒冰碎如或大運去矣幸使老臣先死詞氣抑揚
三軍莫不涕咽

唐常陟為江南東道採訪使肅宗至德中江東永王擅起兵詔
陟為江東節度使以招諭之陟與淮南節度使高適淮西節度
使來瑱等同至安州陟謂適瑒曰今中原未復江淮動搖人心
安危實在茲日若不齊盟質信昭示四方令知三帥協心萬里
同志則難以集事矣陟推瑒為地主遂為載書登壇誓衆曰淮
南節度使御史大夫適等叩國威命各鎮方隅糾合三垂剪除
凶慝好惡同之無有異志有渝此盟墜命亡族無克生育皇天
后土祖宗明神實鑒斯言陟等詞旨慷慨血淚俱下三軍感激
莫不隕泣其後江表樹碑以紀忠烈

張臣濟為神策軍使與兵馬使楊惠元鎮奉天德宗初詔移京
西戎兵萬二千人以備關東御望春樓親誓師以遣之及賜宴

諸將列坐酒至神策將士皆不飲帝使問之惠元對曰臣初發奉天本軍帥張巨濟與臣等約曰斯役也將策大勳建大名凱旋之日當共為歡苟未戎捷無飲酒故臣等不敢違約而飲既發有司供餼於道路他軍無子遺唯惠元一軍甄壘不發帝稱歎之

李晟興元初為副帥討朱泚屯兵渭橋諭三軍曰今國步多艱亂逆繼興屬車西幸關中無主吾等皆受國恩見危死節臣子之分况當此時不能清寇孽取富貴非士也渭橋跨大川吾與公等戮力一心擇利而進興復大業建不拔之功能從我乎軍士皆泣下曰唯公所命晟亦歔歔流涕

常臯為御史大夫隴州刺史奉義軍節度德宗幸奉天臯遣從父兄平及弁繼入奉天城中聞臯有備士氣增倍臯乃築壇于庭血牲與將士盟曰上天不吊國家多難逆臣乘間盜據皇宮而楚琳亦扇亮徒傾陷城邑醜虐所加爰及本使既不事上安能恤下臯是用激心憤氣不遑底寧誓與群公竭誠三室凡我同盟一心竭力仗順除亮祖先之靈必當幽贊言誠則志合義感則心齊粉骨糜軀決無所顧有渝此志明神殛之迨於子孫其罔遺育皇天后土當鑒斯言又使人通於吐蕃以求助朱泚既滅授右金吾衛將軍無禮部尚書尋遷大將軍馬燧為將善誓師將戰親自號令士無不感動戰皆決死未嘗折北

警備

書曰儆戒無虞左傳曰不備不虞不可以師蓋古之善將兵者
曷嘗不堅壁深壘整眾敦陳險其走集明其伍侯先據要害以
占勢勝為之備豫防乎侵軼以治而待亂以逸而待勞保於未
危制於未兆因能摧勁敵集巨伐糾合群志輔成大業守境者
克寧其封守備患無憚乎天厲斯所謂固圉重閉真古之善教
哉

史駢晉人為上軍佐秦伯伐晉晉人禦之從秦師於河曲駢曰
秦不能久請深壘固軍以待之從之

倚相為楚左史楚代衛吳救之軍行三十里雨十日夜見星倚

相謂子期曰子期公雨十日甲輯兵聚吳人必至不如備之乃

為陣而吳人至見有備而反

李牧趙人為邊將常居代鴈門備匈奴以便宜置吏市租皆輸

入莫府將軍征行無常處所在為士卒費日擊數牛饗士習射

騎謹烽大多間諜厚遇戰士如是數歲亦不亡矣

漢郭亭為連敖從高祖起單父以塞路入漢還定三秦塞路者

要路以備敵寇也

李廣以邊大守將屯及擊胡而廣行無部伍行陣就善水草屯

舍止人人自便不擊刀斗自衛幕府省約文書然亦遠斥候未

嘗遇害周亞夫為車騎將軍景帝時七國反亞夫東擊吳深壁

而守使輕騎絕吳楚兵後吳數挑戰終不出頃之吳奔壁東南

陬陬隅也子侯切反音邠亞夫使備西北已而精兵果奔西北不得入

後漢杜茂為驃騎大將軍光武建武九年與鴈門大守郭涼擊

盧芳將尹曰於繁時

縣代州

時盧芳據高柳與匈奴連兵數寇

邊民帝患之十二年遣謁者段忠將衆郡弛刑配茂鎮守北邊

因發邊卒築亭侯修烽火委輸金帛繒絮供給軍士并賜邊民

寇蓋相望茂亦建屯田驢車轉運

岑彭為江南大將軍南擊秦豐豐與其大將蔡宏拒彭等於鄧

彭潛兵度沔水繫其將張揚於阿頭山大破之豐救之彭與諸

將依東山為營豐與蔡宏夜攻彭彭豫為之備出兵逆擊之豐

敗走

馬成為揚武將軍建武十四年屯常山中山以備北邊并領建

義大將軍朱祐營又代驃騎杜茂繕治障塞自河西至渭橋上

至安邑大原至井陘中山至鄴皆築保壁起烽燧十里一候

郭伋為漁陽太守時匈奴數抄郡界邊境苦之伋整勒士馬設

攻守之略匈奴畏憚遠迹不敢復入塞民得安業後以盧芳據

北土乃調伋為并州牧伋知盧芳夙賊難卒以力制常嚴烽侯

明購賞以結寇心芳將隋昱遂謀脅芳降伋乃亡入匈奴

耿秉為征西將軍副車騎將軍竇憲擊北匈奴秉性勇壯而簡

易於事軍行常自被甲在前休止不結營部然遠斥候明要誓

有警軍陳成士卒皆樂為死

魏夏侯尚為征南大將軍假節度南方諸軍事時孫權雖稱藩

尚益修攻討之備權後果有貳心

滿寵為伏波將軍屯新野大軍南征到精湖寵帥諸軍在前與

賊隔水相對寵勅諸將曰今夕風甚猛賊必來燒軍宜為其備

諸軍皆警夜半賊果遣十部伏夜來燒寵掩擊破之進封南鄉侯大和二年領豫州刺史三年春降人稱吳大嚴揚声欲詣江北獵孫權欲自出寵度其必襲西陽而為之備權聞之退還吳呂據為越騎校尉大元元年大風江水溢流漸淹城門權使視水獨見據使人取大船以備害權嘉之拜盪魏將軍

孫韶大帝族弟河之子河為媯覽所殺韶年十七收河餘衆繕治京城起樓櫓修器備以禦敵權聞亂從椒立還過定丹陽引軍歸吳夜至京城下營試攻警之兵皆乘城傳檄備警謹聲動地頗射外人權使曉諭乃止明日見韶甚器之即拜成烈校尉統河部曲食曲阿丹徒二縣自置長吏一如河舊

孫昭為鎮北將軍在邊數十年常以警疆場遠斥侯為務先知動靜如為之備故鮮有負敗

晉蔡謨為征北將軍領徐州刺史石李龍於青州造船數百掠緣海諸縣所在殺戮朝廷以為憂謨遣龍驥將軍徐玄等守中洲并設募若得賊大白船者賞布千匹是時謨所統七千餘人所戍東至土山西至江乘鎮守八所城壘凡十一處烽火樓望三十餘處隨宜防備甚有筭畧

馮弘為北燕馮跋將跋弟萬泥叛弘與將軍張興討之興謂弘曰賊明日出戰今夜必來警營宜備不虞弘乃密嚴人果草十束畜火伏兵以待之是夜果遣壯士千餘人來斫營衆火俱起伏兵邀擊俘斬無遺

南齊蕭景先為持節督司州軍士寧朔將軍司州刺史領義陽

大守時魏軍出淮泗增司部邊戍兵義陽人謝天蓋與魏相構
扇魏尋遣南部尚書頴跋屯汝南洛州刺史昌黎王馮苾屯清
丘景先嚴備待敵豫章王又遣寧朔將軍王僧炳前軍將軍王
應之龍驤將軍莊明三千人屯義陽關外為聲援魏軍退進號
輔國將軍

陳周文育為智武將軍文帝濟江襲會稽大守張彪得其郡城
及帝為彪所襲文育時頓城北香嚴寺帝夜往趨之因共立柵
項之彪又來攻之文育悉力苦戰彪不能剋

後魏于栗磾明元時為河內鎮將宋武帝之代姚泓也栗磾慮
其北擾遂築壘於河上親自守焉禁防嚴密斤侯不通宋師憚
之不敢前進

司馬楚之大武時為散騎常侍車駕伐嚙嚙詔楚之與濟陰公
盧中山等督運以繼大軍時鎮北將軍封沓亡入嚙嚙說令擊
楚之等以絕糧運嚙嚙乃遣姦覘入楚之軍截驢耳而去失驢
耳者諸將莫能察楚之曰必是覘賊截之以為驗爾賊將至矣
即使軍人伐柳為城水灌之令凍城立而賊至水峻城固不可
攻逼賊乃走散帝聞而嘉之尋拜假節侍中鎮西大將軍
古弼大武時典南部奏事與劉絜屯五河北以備叛民

盧淵為京兆王愉徐州長史南徐州刺史沉陵兇謀外叛淵覺
其萌漸潛勅諸戍微為之備屢有表聞朝廷不納陵果殺將佐
勒宿預之衆逃叛濱淮諸戍由備得全

尉元為冠軍將軍宋平大守無鹽戍主甲篡詐降元知非誠款

外示容納而密備焉

皮豹子為仇池鎮將與古弼等討仇池楊難當平之未幾諸氏復反推楊文德為主以圍仇池古弼率諸軍討平之時豹子次于下辨聞圍解欲還弼遣使諸豹子曰賊耻其負敗必求報復發舉為難不如陳兵以待之豹子以為然尋除秦雍荆梁益五州諸軍事開府仇池鎮將

于烈宣武時為車騎大將軍大尉咸陽王禧謀反也武興王楊集始馳於北邙以告時帝從禽於野左右分散直衛無幾倉卒之際莫知計之所出乃勅烈子忠馳覘虛實烈時番守已處處有備因忠奏曰臣雖朽邁心力猶可此等猖狂不足為慮願緩蹕徐還以安物望帝聞之甚以慰悅

曹世表為左將將軍兼尚書東道行臺沿河分立鎮城以備葛

榮
葛榮五
原叛黨

司馬子如為尔朱榮司馬軍次高都以建興險阻往來衝要有後顧之憂以子如行建興大守當郡都督

北齊斛律光後主武平中為并州刺史率眾築平隴衛壁統戍等十有三所

後周王思政為驃騎將軍鎮常農思政以王壁地在險要請築城即自营度移鎮之遷并州刺史仍鎮王壁於是修城郭起樓櫓營田農積芻秣凡可以守禦者皆具焉常農之有備自思政始也

宇文測為大都督行綏州事每歲河冰合後突厥即來寇掠先

是常預遣居民入城堡以避之測至皆令安堵如舊乃於要路
數百處並多積柴仍遠道斤侯知其動靜是年十二月突厥從
連谷入寇去界數十里測命積柴之處一時縱火突厥謂有大
軍至懼而遁走自相蹂踐委棄雜畜及輜重不可勝數測徐率
所部收之分給百姓自是突厥不敢侮至測因請置戍兵以備
之隋高穎為監軍尉遲迥之起兵也高祖令常孝寬擊之穎至
軍為橋於沁水賊欲上流縱大棧穎預為水指以禦之既度焚
橋而戰大破之

獨孤潛仁壽初為原州總管時蜀王秀鎮益州文帝徵之猶豫
未發朝廷恐秀生變拜楷益州總管馳傳伐之秀果有悔色因
勒兵為備秀至與藥去益州四十餘里將反襲楷密令左右覘
所為知楷不可犯而止

乞伏慧為涼州總管先是突厥屢有寇抄慧於是嚴警烽燧遠
為斤侯虜亦素憚慧名竟不入境

蘇夔為鴻臚少卿從煬帝幸鴈門為突厥所圍夔領城東面事
夔為弩接車箱戰圈一夕而就帝見而善之以功進位通議大
夫

唐劉弘基武德中為并鉞將軍會突厥入寇弘基率步騎一萬
自幽州北界東拒子午嶺西接臨涇修營郭塞副淮安王神道
備胡寇於北鄙

薛萬均為左屯衛將軍從李靖等吐谷渾軍次青海與萬徹率
軍先路道遇虜於赤海萬均將十數騎擊走之追奔至積石山

南道大風折旗拔木萬均謂左右曰虜將至矣宜合為備俄而虜至萬均直前斬一賊將於是大潰

宇文士及檢校涼州都督時突厥屢為邊寇士及欲立威以鎮邊服每出入陳兵盛為谷衛

黑齒常之高宗調露二年吐蕃寇河源河西鎮撫大使李敬玄敗績常之為副使頗有戰功擢為河源軍經略大使詔敬玄留鎮善州以為之援常之始令遠置烽戍開屯田伍千餘頃戢守有備

呂諲元元年為荊州節度因請於荊州置南郡改州為江陵府永平軍團練三千人以遏吳之口及至鎮又折江陵置長寧縣又請隸湖南岳潭衡柳道邵連七州黔中之涪州並管於江

陵

李晟德宗興元初為副元帥討朱泚既收復京城晟令蓋涉領兵屯冬白華以備苑囿尚可孤屯于望仙門駱元光屯于章敬于南晟以牙兵三千人屯于安國寺南

駱元光為華州節度貞元三年侍中渾瑊為吐蕃會盟使元光以兵赴之將發涇州元光謂瑊曰本奉詔命令營於潘原堡以應援竊以潘原堡去盟所六七十里蕃情多詐作中儻有急戒何由知之請次為營以慮其變瑊以非詔旨固止之元光竟與同進城之營西去盟所二十餘里元光營次之其濠柵頗深固瑊之濠柵可踰焉及城軍騎奔歸未及其營守將李朝彩不能整衆多已奔散瑊之至也空營而已器械資糧悉棄之賴元光之

冊府元龜
衆陣於營中城既入賊追騎乃退元光乃先進輜重次與城俱退申其號令嚴其部伍而還時以為有將帥之風焉

嗣曹正阜為襄州節度練兵積財儲糧修車市迴紇馬以益騎兵

馬燧為河東節度造甲者必令長短三等稱其所衣以便進趨又造戰車象以後視刺戟於後行則載兵甲止則為營陣或塞險阨以遏奔衝器械無不犀利

范希朝為振武節度使振武有党項室常交居川阜凌犯為盜日入作謂之刮城門居人惶駭鮮有寧日希朝周知要害置堡柵斥候嚴密人遂獲安

張獻甫為邠寧節度使乃於彭元置義方渠馬領節縣選險要之地以為烽堡又上疏請復置鹽州及洪門洛原等鎮各置兵防以備蕃寇朝廷皆從之緣邊軍州安悅

高崇文為左神策行營節度使討劉闢崇文初為長武城使練卒五千常若寇至及使至長武邠時宣命辰時出師五千器用無闕者

曹華為襄城鎮將憲宗元和十二年七月裴度克淮西宣慰處置使八月甲申至鄆城初度過襄城嵩白草原賊以驍騎七百邀之華先是戒嚴賊拆其銳而還

李祐為夏州節度使穆示長慶元年一月統所部兵四千赴長澤以備邊寇

高承為頌寧慶等州節度觀察處置等使先是羗虜多以秋月

犯西邊永請軍寧州以備之

季載義為大原節度使大和九年九月戊申奏差兵三千人防遏當界吐渾部落

梁高萬興為延州刺史開平三年九月奏邠鳳賊百騎至韓家寨鄜州請添兵於木佛塞倚角備禦

後唐史儼唐乾寧中從武皇討王行瑜師次渭北武皇遣儼率五百騎護駕石門時京城大擾士庶奔迸散布南山儼分騎警衛北駕還京盜賊不作以功加檢校右散騎常侍屯於三橋者累月宗寵錫優異

田承肇鎮晉州上言現知綏州銀州會兵未知所向謹戍兵斥候

劉鄩為鎮南軍節度使未帝貞明元年禦兵人於汭朔以魏之臨清積粟所在引軍所據之遇將周陽五自幽州率兵至鄩乃趨具州與晉軍遇於堂邑邀擊却之追北五十餘里逐軍於莘縣增城壘以池湟自華及河築埽道以通餉路

晉李周初仕後唐武皇為安霸都指揮使率兵屯臨河陽劉辛縣所至與士卒同甘苦不嚴而整善守備梁軍望其樓櫓如九天之上不知所攻

周孫漢均為絳州廣順元年二月上言州無守禦兵士今欲抽鄉兵千人防城從之

陳思讓廣順元年三月奉詔率兵往磁州控扼黃澤路十月甲寅淄州言萊蕪監為草寇奔衝城壁無可固禦欲率夫五百板

築從之

劉嗣為邢州節度使帝順元年并寇攻晉州嗣上言淮詔改柵
井寨為大城寨至馬嶺寨已來排烽火

新刊監本冊府元龜卷第三百九十



學從之

劉胡壽州節度使益州元平齊冠以晉州刺史官軍討改稱
平康為大城寨至馬指寨已來無降人

新刊監本御府之也卷第二百五十九



